


三國志 蜀志

卷九之十五

終

內閣文庫	
番號	漢 1836
冊數	500 (73)
函號	別 10 1



蜀志卷九

淺草文庫

晉陳壽撰

董和

劉巴

馬良

弟 陳震

董允

陳祗 黃皓

呂乂

董和字幼宰南郡枝江人也其先本巴郡江州人漢末和率宗族西遷益州牧劉璋以為牛鞞音鞞江原長成都令蜀土富實時俗奢侈貨殖之家侯服玉食婚姻尊送

康熙二十五年重校

蜀志卷九

傳

傾家竭產和躬率以儉惡衣蔬食防邊踰僭為之軌制
所在皆移風變善畏而不犯然縣界豪彊憚和嚴法說
璋轉和為巴東屬國都尉吏民老弱相攜乞留和者數
千人璋聽留二年還遷益州太守其清約如前與蠻夷
從事務推誠心南土愛而信之先主定蜀徵和為掌軍
中郎將與軍師將軍諸葛亮並署左將軍大司馬府事
獻可替否共為歡交自和居官食祿外牧殊域內幹機
衡二十餘年死之日家無儋石之財亮後為丞相教與
群下曰夫參署者集衆思廣忠益也若遠小嫌難相違
覆曠闕損矣違覆而得中猶棄弊躄而獲珠玉然人心

苦不能盡惟徐元直處茲不惑又董幼宰參署七年事
有不至至于十反來相啓告苟能慕元直之十一幼宰
之殷勤有忠於國則亮可少過矣又曰昔初交州平屢
聞得失後交元直勤見啓誨前參事於幼宰每言則盡
後從事於偉度數有諫止雖姿性鄙暗不能悉納然與
此四子終始好合亦足以明其不疑於直言也其追思
和如此

偉度者姓胡名濟義陽人為亮主簿有忠盡之效故見襄述亮卒為中典軍統諸軍討成陽亭

侯遷中監軍前將軍督漢中假節領兗州刺史至右驃騎將軍濟第傳歷長水校尉尚書

劉巴字子初零陵烝陽人也少知名

零陵先賢傳曰巴祖父曜蒼梧太守

父祥江夏太守盪寇將軍時孫堅舉兵討董卓以南陽太守張咨不給軍糧殺之祥與同心南陽士民因此怨

祥舉兵攻之與戰敗亡劉表亦素不善祥拘巴欲殺之
數遣祥故所親信人密詐謂巴曰劉牧欲相危害可相
隨迷之如此再三巴輒不應且以報表表乃不殺巴年
十八郡署戶曹史主記主簿劉先主欲遣周不疑就巴
學巴答曰昔游荆北時涉師門記問之學不足紀名內
無楊朱守靜之術外無墨翟務時之風猶天之南箕虛
而不用賜書乃欲令賢甥摧鸞鳳之翮遊燕雀之宇將
何以啓明之哉愧於有若無實若虛何以堪之

荆州牧劉表連辟及舉茂才皆不就表卒曹公征荆州

先主奔江南荆楚羣士從之如雲而巴北詣曹公曹公

辟為掾使招納長沙零陵桂陽零陵先賢傳曰曹公敗於烏林還北時欲遣桓

階階辭不如巴巴謂曹公曰劉備據荆州不可也公曰備如想圖孤以六軍繼之也會先主略有

三郡巴不得反使遂遠適交阯零陵先賢傳云巴往零陵事不成欲游交州道

還京師時諸葛亮在臨丞巴與亮書曰乘危歷險到值是義之民自與之眾承天之心順物之性非余身謀所

能勸動若道窮數盡將託命於滄海不復顧荆州矣亮追謂曰劉公雄才蓋世據有荆土莫不歸德天人去就

巴可知矣足下欲何之巴曰受命而先主深以為恨巴

來不成當還此其宜也足下何言邪先主深以為恨巴復從交阯至蜀

復從交阯至蜀零陵先賢傳曰巴入交阯更始為張與交阯太守士燮計議不合乃由祥物道

去為益州郡所拘留太守欲殺之主簿曰此非常人不

可殺也主簿請自送至州見益州牧劉璋璋父焉昔為

巴父祥所舉孝廉見巴驚喜每大事輒以咨訪臣松

之案劉焉在漢靈帝時巴已經宗正太常出為益州牧祥始以孫堅作長沙時為江夏

太守不得舉焉為孝廉明也俄而先主定益州巴辭謝罪負先主不責零陵先賢傳曰璋遣法正迎劉備巴諫曰備雄人也入必為害不可內也既入

罪負先主不責零陵先賢傳曰璋遣法正迎劉備巴諫曰備雄人也入必為害不可內也既入而諸葛孔明數稱薦之先主辟為左將軍西曹

掾零陵先賢傳曰張飛嘗就巴宿巴不與語飛遂忿恚

合文武以定大事足下雖天素高亮宜少降意也巴目
大丈夫處世當交四海英雄如何與兵子其語乎備國
之怒曰孤欲定天下而子初專亂之其欲還北假道於
此豈欲成孤事邪備又曰子初才智絕人如孤可任用
之非孤者難獨任也亮亦曰運籌策於帷幄之中吾不
如子初遠矣若提枹鼓會軍門使百姓喜勇當與人議
之耳初攻劉璋備與士衆約若事定府庫百物孤無預
焉及拔成都士衆皆捨干戈赴諸藏競取寶物軍用不
足備甚憂之巴曰易耳但當鑄直百錢平諸物
賈令吏爲官市備從之數月之間府庫充實 建安二

十四年先主爲漢中王巴爲尚書後代法正爲尚書令

躬履清儉不治產業又自以歸附非素懼見猜嫌恭默

守靜退無私交非公事不言

零陵先賢傳曰是時中夏人情未一聞備在蜀四方

延頸而備銳意欲即真巴以爲如此示天下不廣且欲

緩之與王簿雍茂諫備備以他事殺茂由是遠人不復

至矣先主稱尊號昭告于皇天上帝后土神祇凡諸文誥

策命皆巴所作也章武二年卒卒後魏尚書僕射陳羣

與丞相諸葛亮書問巴消息稱曰劉君子初甚敬重焉

零陵先賢傳曰輔吳將軍張昭嘗對孫權論巴福庇不

當拒張飛太甚權曰若令子初隨世沈浮容悅玄德交

非其人何足稱爲高士乎

馬良字季常襄陽宜城人也兄弟五人並有才名鄉里

爲之諺曰馬氏五常白眉最良良眉中有白毛故以稱

之先主領荊州辟爲從事及先主入蜀諸葛亮亦從後

往良留荊州與亮書曰聞雒城已拔此天祚也尊兄應

期贊世配業光國魄兆見矣

臣松之以爲良蓋與亮結夫變用雅慮審貴垂明於以簡才宜適其

長良故呼亮爲尊兄耳

時若乃和光悅遠邁德天壤使時閑於聽世服於道齊
高妙之音正鄭衛之聲並利於事無相奪倫此乃管絃
之至牙曠之調也雖非鍾期敢不擊節先王辟良為左
將軍掾後遣使吳良謂亮曰今銜國命協穆二家幸為
良介於孫將軍亮曰君試自為文良即為草曰寡君遣
掾馬良通聘繼好以紹昆吾豕韋之勲其人吉士荆楚
之令鮮於造次之華而有克終之美願降心存納以慰
將命權敬待之先王稱尊號以良為侍中及東征吳遣
良入武陵招納五溪蠻夷蠻夷渠帥皆受印號咸如意
旨會先王敗績於夷陵良亦遇害先王拜良子秉為騎

都尉良弟謾字幼常以荊州從事隨先王入蜀除縣竹
成都令越雋太守才器過人好論軍計丞相諸葛亮深
加器異先王臨薨謂亮曰馬謖言過其實不可大用君
其察之亮猶不然以謖為參軍每引見談論自晝達夜
襄陽記曰建興三年亮征南中謖送之數十里亮曰雖
共謀之歷年今可更惠良規謖對曰南中恃其險阻不
服久矣雖今日破之明日復反耳今公方傾國北伐以
事疆賊彼知官勢內虛其叛亦速若殄盡遺類以除後
患既非仁者之情且又不可倉卒也夫用兵之道攻心
為上攻城為下心戰為上兵戰為下願公服其心而已
亮納其策赦孟獲以服南方建興六年亮出軍向祁山
時有宿將魏延吳壹等論者皆言以為宜令為先鋒而
亮違衆拔謖統大衆在前與魏將張郃戰于街亭為郃

所破士卒離散亮進無所據退軍還漢中謾下獄物故

亮為之流涕良死時年三十六謾年三十九襄陽記曰謾臨終與

亮書曰明公視謾猶子謾視明公猶父願深惟極錄與

禹之義使平生之交不虧於此謾雖死無恨於黃壤也

于時十萬之眾為之垂泣亮自臨祭待其遺孤若平生

蔣琬後詣漢中謂亮曰昔楚殺得臣然後文公喜可知

也天下未定而戮智計之士豈不惜乎亮流涕曰孫武

所以能制勝於天下者用法明也是以楊干亂法魏絳

戮其僕四海分裂兵交方始若復廢法何用討賊邪習

鑿齒曰諸葛亮之不能兼上國也豈不宜哉夫晉人規

林父之後濟故廢法而收功楚成闇得臣之益已故殺

之以重敗今蜀僻陋方才少上國而殺其後傑退收

焉下之用明法勝才不師三敗之道將以成業不亦難

乎且先王誠謾之不可大用豈不謂其非才也亮受議

而不獲奉承明謾之難廢也為天下宰匠欲大收物之

力而不量才節任隨器付業知之大過則違明主之議

裁之失中即殺有益之人難乎其可與言智者也

陳震字孝起南陽人也先主領荊州牧辟為從事部諸

郡隨先主入蜀蜀既定為蜀郡北部都尉因易郡名為

汶山太守轉在犍為建興三年入拜尚書遷尚書令奉

命使吳七年孫權稱尊號以震為衛尉賀權踐阼諸葛

亮與兄瑾書曰孝起忠純之性老而益篤及其贊述東

西歡樂和合有可貴者震入吳界移關候曰東之與西

驛使往來冠蓋相望申明初好日新其事東尊應保聖

祚告燎受符剖判土宇天下響應各有所歸於此時也

蜀志卷之九 傳 王

魯犯其山諱春秋譏之望必啓告使行人睦焉耶日張
旂誥衆各自約誓順流漂疾國典異制懼或有違幸必
辭誨示其所宜震到武昌孫權與震升壇歃盟交分天
下以徐豫幽青屬吳并涼冀兗屬蜀其司州之上以函
谷關爲界震還封城陽亭侯九年都護李平坐誣罔廢
諸葛亮與長史蔣琬侍中董允書曰孝起前臨至吳爲
吾說正方腹中有鱗甲鄉黨以爲不可近吾以爲鱗甲
者但不當犯之耳不圖復有蘇張之事出於不意可使
孝起知之十三年震卒子濟嗣

董允字休昭掌軍中郎將和之子也先主立太子允以

選爲舍人徙洗馬後主龔位遷黃門侍郎丞相亮將北
征住漢中慮後主富於春秋采紫難別以允秉心公亮
欲任以宮省之事上疏曰侍中郭攸之費禕侍郎董允
等先帝簡拔以遺陛下至於斟酌規益進盡忠言則其
任也愚以爲宮中之事事無大小悉以咨之必能裨補
闕漏有所廣益若無興德之言則戮允等以彰其慢亮
尋請禕爲參軍允遷爲侍中領虎賁中郎將統宿衛親
兵攸之性素和順儻負而已楚國先賢傳曰攸之南陽人以器業知名於時獻
納之任允皆專之矣允處事爲防制甚盡臣救之理後
主常欲采擇以充後宮允以爲古者天子后妃之數不

過十二今嬪嬙已具不宜增益終執不聽後主益嚴憚
之尚書令蔣琬領益州刺史上疏以讓費禕及允又表
允內侍歷年翼贊王室宜賜爵土以褒勲勞允固辭不
受後主漸長大愛宦人黃皓皓便僻佞慧欲自容入允
常上則正色匡主下則數責於皓皓畏允不敢為非終
允之世皓位不過黃門丞允嘗與尚書令費禕中典軍
胡濟等共期游宴嚴駕已辨而郎中襄陽董恢詰允脩
敬恢年少官微見允停出逡巡求去允不許曰本所送
出者欲與同好游談也今君已自屈方展闊積捨此之
談就彼之宴非所謂也乃命解驂禕等罷駕不行其守

正下士凡此類也

襄陽記曰董恢字休繼襄陽人入蜀
以宣信中郎副費禕使吳孫權嘗大

時務然既已任之勢不得輕若一朝無諸葛亮必為禍
亂矣諸君憤憤曾不知防慮於此豈所謂貽厥孫謀乎
禕愕然四顧視不能即答恢曰禕曰可速言儀延之不
協起於私忿耳而無黜韓難御之心也今方掃除疆賊
混一區夏功以才成業由才廣若捨此不任防其後患
是猶備有風波而逆廢舟楫非長計也權大笑樂諸葛
亮聞之以為知言還未滿三日辟為丞相府屬遷巴郡
太守臣松之案漢晉春秋亦載此語不云董恢所教
辭亦小異此二書俱出習氏而不同若此本傳云恢年
少官微若已為丞相府屬出作巴郡則官
不微矣以此疑習氏之言為不審的也 延熙六年加
輔國將軍七年以侍中守尚書令為大將軍費禕副貳
九年卒華陽國志曰時蜀人以諸葛亮蔣
琬費禕及允為四相一號四英也 陳祗代允為
侍中與黃皓互相表裏皓始預政事祗死後皓從黃門

令為中常侍奉車都尉操弄威柄終至覆國蜀人無不
追思允及鄧艾至蜀聞皓姦險收閉將殺之而皓厚賂
艾左右得免祇字奉宗汝南人許靖兄之外孫也少孤
長於靖家弱冠知名稍遷至選曹郎矜厲有威容多技
藝挾數術費禕甚異之故超繼允內侍呂又卒祇又以
侍中守尚書令加鎮軍將軍大將軍姜維雖班在祇上
常率衆在外希親朝政祇上承主指下接闡豎深見信
愛權重於維景耀元年卒後主痛惜發言流涕乃下詔
曰祇統職一紀柔嘉惟則幹肅有章和義利物庶績允
明命不融遠朕用悼焉夫存有令問則亡加美謚謚曰

忠侯賜子榮爵關內侯拔次子裕為黃門侍郎自祇之

有寵後主追怨允曰深謂為自輕由祇媚茲一人皓構

間浸潤故耳允孫宏為西太守臣松之以為陳羣子

子繫父不別載姓及子肅杜恕張承顧劭之流莫不皆然惟董允獨否未詳其意當以允名位優重事跡踰衆故邪夏侯玄陳表並有驛角之美而亦如泰者魏書地名此卷云諸侯曹一府故不復稍加品藻陳武與表俱至偏將軍以位不相過故也

呂又字季陽南陽人也父常送故將軍劉焉入蜀值王

路隔塞遂不得還又少孤好讀書鼓琴初先主定益州

置鹽府校尉較鹽鐵之利後校尉王連請又及南陽杜

祺南鄉劉幹等並為典曹都尉又遷新都縣竹令乃心

隱卹百姓稱之爲一州諸城之首遷巴西太守丞相諸葛亮連年出軍調發岷郡多不相救又募取兵五千人諸亮慰諭檢制無逃寇虜者徙爲漢中太守兼領督農供繼軍糧亮卒累遷廣漢蜀郡太守蜀郡一都之會戶口衆多又亮卒之後士位下命更相重員姦巧非一又到官爲之防禁開喻勸導數年之中漏脫自出者萬餘口後入爲尚書代董允爲尚書令衆事無留門無停賓又歷職內外治身儉約謙靖少言爲政簡而不煩號爲清能然持法刻深好用文俗吏故居大官名聲損於郡縣延熈十四年卒子辰景耀中爲成都令辰弟雅謁者雅

清厲有文才著格論十五篇杜祺歷郡守監軍大將軍司馬劉幹官至巴西太守皆與又親善亦有當時之稱而儉素守法不及於又評曰董和蹈羔羊之素劉巴履清尚之節馬良貞實稱爲令士陳震忠恪老而益篤董允匡主義形於色皆蜀臣之良矣呂乂臨郡則垂稱處朝則被損亦黃薛之流亞矣

志卷九終

蜀志卷十

晉陳壽撰

劉封

彭羨

廖立

李嚴

劉琰

魏延

楊儀

劉封者本羅侯寇氏之子長沙劉氏之甥也先主至荊州以未有繼嗣養封為子及先王入蜀自葭萌還攻劉璋時封年二十餘有武藝氣力過人將兵俱與諸葛亮

康熙二十五年重修

蜀志卷十

傳

一

張飛等泝流西上所在戰克益州既定以封爲副軍中
郎將初劉璋遣扶風孟達副法正各將兵二千人使迎
先主先主因令達并領兵衆留屯江陵蜀平後以達爲
宜都太守建安二十四年命達從秭歸北攻房陵房陵
太守蒯祺爲達兵所害達將進攻上庸先主陰恐達難
獨任乃遣封自漢中乘沔水下祝達軍與達會上庸上
庸太守申耽舉衆降遣妻子及宗族詣成都先主加耽
征北將軍領上庸太守員鄉侯如故以耽弟儀爲建信
將軍西城太守遷封爲副軍將軍平自關羽圍樊城襄陽
連呼封達令發兵自助封達辭以山郡初附未可動搖

不承羽命會羽覆敗先主恨之封與達忿爭不和封

尋奪達鼓吹達既懼罪又忿恚封遂發表辭先主率所

領降魏魏略載達辭先主表曰臣惟殿下將建伊呂之

之士深觀歸趣臣委質已來愆戾山積臣猶自知况於
君乎今王朝以勳英俊鱗集臣內無輔佐之器外無將
領之才列次功臣誠自愧也臣聞范蠡識微浮於五湖
谷犯謝罪遠巡於河上夫際會少問請命乞身何則欲
際去就之分也况臣卑鄙無元功巨勳自繫於時竊慕
前賢早思遠馳昔申生至孝見疑於親子胥至忠見誅
於若蒙恬不懷慨而流涕而刑樂毅破齊而遭讒佞臣每讀
其書未嘗不慷慨流涕而親當其事益以傷絕何者荆
州覆敗大臣失節百無一還惟臣尋事自致房陵上庸
而復乞身自放於外伏想殿下聖恩感悟愍臣之心悼
臣之舉臣誠小人不能始終知而爲之敢謂非罪臣每
聞交絕無惡聲去臣無怨辭臣過奉教於君子願君王
勉之
魏文帝善達之姿才容觀以爲散騎常侍建武將

軍封平陽亭侯合房陵上庸西城三郡達領新城太守
遣征南將軍夏侯尚右將軍徐晃與達共襲封建與封
書曰古人有言疏不問親新不加舊此謂上明下直讒
慝不行也若乃權君譎主賢父慈親猶有忠臣蹈功以
罹禍孝子抱仁以陷難種商白起孝已伯奇皆其類也
其所以然非骨肉好離親親樂忠也或有恩移愛易亦
有讒間其間雖忠臣不能移之於君孝子不能變之於
父者也勢利所加改親爲讎况非親親乎故申生衛伋
禦寇楚建稟受形之氣當嗣立之正而猶如此今足下
與漢中王道路之人耳親非骨肉而據勢權義非君臣

而處上位征則有偏任之威居則有副軍之號遠近所
聞也自立阿斗爲太子已來有識之人相爲寒心如使
申生從子輿之言必爲太伯衛伋聽其弟之謀無彰父
之譏也且小白出奔入而爲霸重耳踰垣卒以克復自
古有之非獨今也夫智貴免禍明尚夙達僕揆漢中王
慮定於內疑生於外矣慮定則心固疑生則心懼亂禍
之興作未嘗不由廢立之間也私怨人情不能不見恐
左右必有以聞於漢中王矣然則疑成怨聞其發若踐
機耳今足下在遠尚可假息一時若大軍遂進足下失
據而還竊相爲危之昔微子去殷智果別族違難背禍

猶皆如斯國語曰智宣子將以瑤為後智果曰不如賢也宜子曰霄也佞對曰霄也佞在面瑤之賢於人者五其不逮者一也美鬚長大則賢射御足力則賢枝藝畢給則賢巧文辯惠則賢疆殺果敢則賢如是而甚不仁以五者賢陵人而不仁行之其誰能待之若果立瑤也智宗必滅不聽智果別族于大史氏為輔氏及智氏亡惟今足下棄父母而為人後非禮也知禍將至而留之非智也見正不從而疑之非義也自號為文夫為此三者何所貴乎以足下之才棄身來東繼嗣羅候不為背親也北面事君以正綱紀不為棄舊也怒不致亂以免危亡不為徒行也加陛下新受禪命虛心側席以德懷遠若足下翻然內向非但與僕為倫受三百戶封總統羅國而已當更剖符大邦為始封之君陛下

大軍金鼓以震當轉都宛若二敵不平軍無還期足下宜因此時早定良計易有利見大人詩有自求多福行矣今足下勉之無使狐突閉門不出封不從達言申儀叛封封破走還滅都申耽降魏魏假耽懷集將軍徙居南陽儀魏興太守封真鄉侯屯洵口
魏略曰申儀兄名耽字義舉初在西平上庸間聚眾數千家後與張魯通又遣使詣曹公曹公加其號為將軍因使領上庸都尉至建安末為蜀所攻以其郡西屬黃初中儀復來還詔即以兄故號加儀因拜魏興太守封列侯太和初儀與孟達不和數上言達有貳心於蜀及達反儀絕蜀道使救不到達死後儀請宛見司馬宣王宣王勸使來朝儀至京師詔轉儀拜樓船將軍封既至先主責封之侵陵達又不救羽葛亮慮封剛猛易世之後終難制御勸先主因此除之於



是賜封死使自裁封歎曰恨不用孟子度之言先王爲
之流涕達本字子敬避先王叔父敬改之

年內移河東達子與爲
議督軍是歲徙環扶風

彭羨字永年廣漢人身長八尺容貌甚偉姿性驕傲多
所輕忽惟敬同郡秦子勅薦之於太守許靖曰昔高宗
夢傳說周文求呂尚爰及漢祖納食其於布衣此乃帝
王之所以倡業垂統緝熙厥功也今明府稽古皇極允
執神靈體公劉之德行勿翦之惠清廟之作於是乎始
褒貶之義於是乎興然而六韜未之備也伏見處士縣
竹秦宓膺山甫之德履雋生之直枕石漱流吟詠緼袍

偃息於仁義之途恬淡於浩然之域高概節行守貞不
虧雖古人潛遁蔑以加旃若明府能招致此人必有忠
謹落落之譽豐功厚利建跡之勲然後紀功於王府飛
聲於來世不亦羨哉羨仕州不過書佐後又爲衆人所
謗毀於州牧劉璋璋髡鉗羨爲徒隸會先王入蜀泝流
北行羨欲納說先王乃往見龐統統與羨非故人又適
有賓客羨徑上統牀卧謂統曰須客罷當與卿善談統
客既罷往就羨坐羨又先責統食然後共語因留信宿
至于經日統大善之而法正宿自知羨遂並致之先王
先王亦以爲奇數令羨宣傳軍事指授諸將奉使稱意

識遇日加成都既定先主領益州牧拔兼為治中從事
 兼起徒步一朝處州人之上形色踴然自矜得遇滋甚
 諸葛亮雖外接待兼而內不能善屢密言先主兼心大
 志廣難可保安先主既敬信亮加察兼行事意以稍疎
 左遷兼為江陽太守兼聞當遠出私情不悅往詣馬超
 超問兼曰卿才具秀拔主公相待至重謂卿當與孔明
 孝直諸人齊足並驅寧當外授小郡失人本望乎兼曰
 老革荒悖可復道邪楊雄方言曰滅鯁乾都蓄革老也郭璞注曰皆老者皮色枯瘁之形也臣松之以為皮去毛曰革古者以革為兵故又謂諸稱兵革革猶兵也兼罵備為老革猶言老兵也又謂
 超曰卿為其外我為其內天下不足定也超羈旅歸國

常懷危懼聞兼言大驚默然不荅兼退具表兼辭於是
 收兼付有司兼於獄中與諸葛亮書曰僕昔有事於諸
 侯以為曹操暴虐孫權無道振威闇弱其惟主公有霸
 王之器可與興業致治故乃翻然有輕舉之志會公來
 西僕因法孝直自銜鬻龐統斟酌其間遂得詣公於葭
 萌指掌而譚論治世之務講霸王之義遂取益州之策
 公亦宿慮明定即相然贊遂舉事焉僕於故州不免凡
 庸憂於罪罔得遭風雲激矢之中求君得君志行名顯
 從布衣之中擢為國士盜竊茂才分子之厚誰復過此

臣於公以為八刀子之厚者兼言劉主分兒子厚恩施兼一之於已故一其書後語云負我慈父罪有百死也

朝狂悖自求菹醢爲不忠不義之鬼乎先民有言左手據天下之圖右手劔咽喉愚夫不爲也况僕頗別菽麥者哉所以有怨望意者不自度量苟以爲首與事業而有投江陽之論不鮮王公之意意卒感激頗以被酒佻失老語此僕之下愚薄慮所致王公實未老也且夫立業豈在老少西伯九十寧有衰志負我慈父罪有百死至於內外之言欲使孟起立功北州戮力三公共討曹操耳寧敢有他志邪孟起說之是也但不分別其聞痛人心耳昔每與龐統共相誓約庶託足下末蹤盡心於至公之業追名古人載勲竹帛統不幸而死僕敗以取

禍自我情之將復誰怨足下當世伊呂也宜善與王公計事濟其大猷天明地察神祇有靈復何言哉責使足下明僕本心耳行矣努力自愛自愛美竟誅死時年三十七

廖音理立字公淵武陵臨沅人先王領荊州牧辟爲從音反事年未三十擢爲長沙太守先王入蜀諸葛亮鎮荆土孫權遣使通好於亮因問士人皆誰相經緯者亮荅曰龐統廖立楚之良才當贊興世業者也建安二十年權遣呂蒙奄襲南三郡立脫身走自歸先王先王素識待之不深責也以爲巴郡太守二十四年先王爲漢中王

徵立爲侍中後主襲位徒長水校尉立本意自謂才名
宜爲諸葛亮之貳而更游散在李嚴等下常懷怏怏後
丞相掾李邵蔣琬至立計曰軍當遠出卿諸人好諱其
事昔先主不取漢中走與吳人爭南三郡卒以三郡與
吳人徒勞役吏士無益而還旣亡漢中使夏侯淵張郃
深入于巴幾喪一州後至漢中使關侯身死無子遺上
庸覆敗徒失一方是羽怙恃勇名作軍無法直以意突
耳故前後數喪喪師衆也如向朗文恭凡俗之人耳恭作
治中無綱紀配昔奉馬良兄弟謂爲聖人今作長史素
能合道中郎郭演長從人者耳不足與經大事而作侍

中今弱世也欲任此三人爲不然也王連流俗苟作措
克使百姓疲弊以致今日邵琬具白其言於諸葛亮亮
表立曰長水校尉廖立坐自責大臧否羣士公言國家
不任賢達而任俗吏又言萬人率者皆小子也誹謗先
帝疵毀衆臣人有言國家兵衆簡練部位分明者立舉
頭視屋憤咤作色曰何足言凡如是者不可勝數羊之
亂羣猶能爲害况立託在大位中人以下讖真爲邪亮
有亮表曰立奉先帝無忠孝之心守長沙則開門就敵
領巴郡則有闇昧關其其事隨大將軍則誹謗譏訶侍
梓官則挾刃斷人頭於梓官之側陛下即位之後普增
職號立隨比爲將軍面語臣曰我何宜在諸將軍中不
表我爲卿上當在五校臣答將軍者隨大比耳至於卿
者正方亦未爲卿也且宜處五校自是之後怏怏懷恨

詔曰三苗亂政有虞流宥廖立於是廢立為民徙汶山

郡立躬率妻子耕殖自守聞諸葛亮卒垂泣歎曰吾終

為左袵矣後監軍姜維率偏軍經汶山往詣立稱立意

氣不褻言論自若立遂終於徙所妻子還蜀

李嚴字正方南陽人也少為郡職吏以才幹稱荆州牧

劉表使歷諸郡縣曹公入荆州時嚴宰秭歸遂西詣蜀

劉璋以為成都令復有能名建安十八年署嚴為護軍

拒先主於縣竹嚴率眾降先主先主拜嚴裨將軍成都

既定為犍為太守興業將軍二十三年盜賊馬秦高勝

等起事於鄴音妻合聚部伍數萬人到資中縣時先主在

漢中嚴不更發兵但率將郡士五千人討之斬秦勝等

首枝黨星散悉復民籍又越雋夷率高定遣軍圍新道

縣嚴馳往起救賊皆破走加輔漢將軍領郡如故章武

二年先主徵嚴詣永安宮拜尚書令三年先主疾病嚴

與諸葛亮並受遺詔輔少主以嚴為中都護統內外軍

事留鎮永安建興元年封都鄉侯假節加光祿勳四年

轉為前將軍以諸葛亮欲出軍漢中嚴當知後事移屯

江州留護軍陳到駐永安皆統屬嚴嚴與孟達書曰吾

與孔明俱受寄託憂深責重思得良伴亮亦與達書曰

部分如流趣捨罔滯正方性也其見貴重如此

諸葛亮集有嚴

與亮書勸亮宜受九錫進爵稱王亮答書曰吾與足下相知久矣可不復相解足下方誨以光國戒之以勿拘之道是以未得默已吾本東方下士誤用於先帝位極人臣祿賜百億今討賊未效知已未答而方寵齊晉生自貴大非其義也若滅魏斬獻帝還故八年遷驃騎將軍與諸子並升雖十命可受况於九邪

軍以曹真欲三道向漢川亮命嚴將二萬人赴漢中亮表嚴子豐為江州都督督軍典嚴後事亮以明年當出軍命嚴以中都護署府事嚴改名為平九年春亮軍祁山平催督運事秋夏之際值天霖雨運糧不繼平遣參軍狐忠督軍成藩俞指呼亮來還亮承以退軍平聞軍退乃更陽驚說軍糧饒足何以便歸欲以解已不辦之責顯亮不進之愆也又表後主說軍偽退欲以誘賊與

戰亮具出其前後手筆書疏本末平違錯章灼平辭窮情竭首謝罪負於是亮表平曰自先帝崩後平所在治家尚為小惠安身求名無憂國之事臣當北出欲得平兵以鎮漢中平窮難縱橫無有來意而求以五郡為巴州刺史去年臣欲西征欲令平主督漢中平說司馬懿等開府辟召臣知平鄙情欲因行之際偏臣取利也是以表平子豐督主江州隆崇其遇以取一時之務平至之日都委諸事羣臣上下皆怪臣待平之厚也正以大

事未定漢室傾危伐平之短莫若褒之然謂平情在於榮利而已不意平心顛倒乃爾若事稽留將致禍敗是

臣不敏言多增咎亮公文上尚書曰平為大臣受恩過

罔上下諭獄棄科導人為奸狹情志狂若無天地自度

復還江陽平參軍狐忠勤諫乃止今篡賊未滅社稷多

難國事惟和可以克捷不可苟舍以危大業輟與行中

將軍車騎將軍都鄉侯臣劉琰使持節前將軍都亭侯臣袁

將軍領涼州刺史南鄭侯臣魏延前將軍都亭侯臣張

將軍左將軍領荊州刺史高陽鄉侯臣吳壹督前部右將

軍玄鄉侯臣高翔督後部後將軍安樂亭侯臣吳班領

長史綏軍將軍臣楊儀督左部行中監軍揚武將軍臣

鄧芝行前監軍征南將軍臣劉巴行中護軍偏將軍臣

費禕行前護軍偏將軍漢成亭侯臣許允行右護軍征

信中郎將軍臣丁咸行右護軍偏將軍臣劉敏行護軍征

南將軍當陽亭侯臣姜維行中典軍討虜將軍臣上官

離行中參軍昭武中郎將軍臣胡濟行參軍建義將軍臣

閻晏行參軍偏將軍臣麋習行參軍裨將軍臣杜義行

參軍武畧中郎將軍臣杜祺行參軍綏戎都尉臣盛勅領

從事中郎武畧中郎將軍臣樊岐等議輒解乃廢平為民

徙梓潼郡諸葛亮又與平子豐教曰吾與君父子戮力

護典漢中委君於東關者不與人議也謂至心感動終

始可保何圖中乖乎昔楚卿晏紉亦乃克復思道則福

應自然之數也願寬慰都護勤追前闕今雖解任形業

失故奴婢賓客百數十人君以中郎參軍居府方之氣

類猶為上家若都護思負一意若與公琰推心從事者

否可復通逝可復還也詳思斯戒明吾用心臨書長歎

涕泣十二年平聞亮卒發病死平常冀亮當自補復策

而巳

後人不能故以激憤也

習鑿齒曰昔管仲奪伯氏駢邑

難諸葛亮之使廖立垂泣李平致死豈徒無言而已哉

夫水至平而邪者取法鏡至明而醜者二怒水鏡之所

以能窮物而無怨者以其無私也水鏡無私猶以免謗

况大人君子懷樂生之心流矜恕之德法行於不可不

用刑加乎自犯之罪爵之而非私誅之而不怒天下有

不服者乎諸葛亮於是可謂能用刑矣自秦漢以來未

也之有豐官至朱提太守蘇林漢書音義曰朱音錄提

劉琰字威碩魯國人也先主在豫州辟爲從事以其宗
姓有風流善談論厚親待之遂隨從周旋常爲賓客先
主定益州以琰爲固陵太守後主立封都鄉侯班位每
亞李嚴爲衛尉中軍師後將軍遷車騎將軍然不豫國
政但領兵千餘隨丞相亮諷議而已車服飲食號爲侈
靡侍婢數十皆能爲聲樂又悉教誦讀魯靈光殿賦建
興十年與前軍師魏延不和言語虛誕亮責讓之琰與
亮牋謝曰琰稟性空虛本薄操行加有酒荒之病自先
帝以來紛紜之論殆將傾覆願蒙明公本其一心在國
原其身中穢垢扶持全濟致其祿位以至今日間者迷

醉言有違錯慈恩含忍不致之於理使得全完保育性
命雖必克已責躬改過投死以誓神靈無所用命則靡
寄顏於是亮遣琰還成都官位如故琰失志恍惚十二
年正月琰妻胡氏入賀太后太后令特留胡氏經月乃
出胡氏有羨色琰疑其與後主有私呼卒五百搗胡至
於以履搏面而後棄遣胡具以告言琰琰坐下獄有司
議曰卒非搗妻之人面非受履之地琰竟棄市自是大
臣妻母朝慶遂絕

魏延字文長義陽人也以部曲隨先主入蜀數有戰功
遷牙門將軍先主爲漢中王遷治成都當得重將以鎮

漢州衆論以爲必在張飛飛亦以心自許先主乃拔延
 爲督漢中鎮遠將軍領漢中太守一軍盡驚先主大會
 羣臣問延曰今委卿以重任卿居之欲云何延對曰若
 曹操舉天下而來請爲大王拒之偏將十萬之衆至請
 向大王吞之先主稱善衆咸壯其言先主踐尊號進拜
 延比將軍建興元年封都亭侯五年諸葛亮駐漢中更
 以延爲督前部領丞相司馬涼州刺史八年使延西入
 羌中魏後將軍費瑤雍州刺史郭淮與延戰于陽谿延
 大破淮等遷爲前軍師征西大將軍假節進封南鄭侯
 延每隨亮出輒欲請兵萬人與亮異道會于潼關如韓

信故事亮制而不許延常謂亮爲怯歎恨已才用之不

盡

魏畧曰夏侯楙爲安西將軍鎮長安亮於南鄭與群

下計議延曰關夏侯楙少主婿也怯而無謀今假延
 精兵五千負糧五千直從襄中出循秦嶺而東當午
 而北不過十日可到長安楙聞延奄至必乘船逃走長
 安中惟有御史京兆太守耳橫門邸閣與散民之穀足
 周食也比東方相合衆尚二十許日而公從斜谷來必
 足以達如此則一舉而成陽以西可定矣亮以爲此縣
 危不如安從坦道可以平取隴右十全必克而無虞故
 不用延計

延既善養士卒勇猛過人又性矜高當時皆避下
 之唯楊儀不假借延延以爲至忿有如水火十二年亮
 出北谷口延爲前鋒出亮營十里延夢頭上生角以問
 占夢趙直直詐延曰夫麒麟有角而不用此不戰而賊
 欲自破之象也退而告人口角之爲字刀下用也頭上

用刀其凶甚矣秋亮病因密與長史楊儀司馬費禕護軍姜維等作身歿之後退軍節度令延斷後姜維次之若延或不從命軍便自發亮適卒秘不發喪儀令禕往揣延意指延曰丞相雖亡吾自見在府親官屬便可將喪還葬吾自當率諸軍擊賊云何以一人死廢天下之事邪且魏延何人當爲楊儀所部勒作斷後將乎因與禕共作行留部分令禕手書與已連名告下諸將禕給延曰當爲君還解楊長史長史文吏稀更軍事必不違命也禕出門馳馬而去延尋悔追之已不及矣延遣人覘儀等遂使欲案亮成規諸營相次引軍還延大怒纔

儀未發率所領徑先南歸所過燒絕閣道延儀各相表叛逆一日之中羽檄交至後主以問侍中董允留府長史蔣琬琬允咸保儀疑延儀等棧山通道晝夜兼行亦繼延後延先至據南谷口遣兵逆擊儀等儀等令何平在前禦延平叱延先登曰公亡身尚未寒汝輩何敢乃爾延士衆知曲在延莫爲用命軍皆散延獨與其子數人逃亡奔漢中儀遣馬岱追斬之致首於儀儀起自踏之曰庸奴復能作惡不遂夷延三族初蔣琬率宿衛諸營赴難北行行數十里延死問至乃旋原延意不北降魏而南還者但欲除殺儀等平日諸將素不同龔時論

必當以代亮本指如此不便背叛魏略曰諸葛亮病謂延等云我之死後但
謹自守慎勿復來也令延攝行已事密持喪去延遂匿
之行至襄口乃發喪亮長史楊儀宿與延不和見延攝
行軍事懼為所害乃張言延欲與眾比附遂率其眾攻
延延本無此心不戰軍走追而殺之臣松之以為此蓋
敵國傳聞之言不得與本傳爭審

楊儀字威公襄陽人也建安中為荊州刺史傳羣主簿
背羣而詣襄陽太守關羽羽命為功曹遣奉使西詣先
主先主與語論軍國計策政治得失大悅之因辟為左
將軍兵曹掾及先主為漢中王拔儀為尚書先主稱尊
號東征吳儀與尚書令劉巴不睦左遷遙署弘農太守
建興三年丞相亮以為參軍署府事將南行五年隨亮

漢中八年遷長史加綬軍將軍亮數出軍儀常規畫參
部籌度糧穀不稽思慮斯須便了軍戎節度取辦於儀
亮深惜儀之才幹憑魏延之驍勇常恨二人之不平不
忍有所偏廢也十一年隨亮出屯谷口亮卒于敵場儀
既領軍還又誅討延自以為功勳至大宜當代亮秉政
呼都尉趙正以周易筮之卦得家人然不悅而亮平
生密指以儀性狷狹意在蔣琬琬遂為尚書令益州刺
史儀至拜為中軍師無所統領從容而已初儀為先主
尚書琬為尚書郎後雖俱為丞相參軍長史儀每從行
當其勞劇自惟年官先琬才能踰之於是怨憤形于聲

色歎咤之音發於五內時人畏其言語不節莫敢從也
為後軍師費禕往慰省之儀對禕恨望前後云云又語
禕曰往者丞相亡沒之際吾若舉軍以就魏氏處世寧
當落度如此邪令人追悔不可復及禕密表其言十三
年廢儀為民徙漢嘉郡儀至徙所復上書誹謗辭指激
切遂下郡收儀儀自殺其妻子還蜀楚國先賢傳云儀
德行為江南冠冕州郡禮召諸公辟請皆不
能屈年十七天鄉人宗貴號曰德行揚君

無不自己也

評曰劉封處嫌疑之地而思防不足以自衛彭差李廖立
以才拔進李嚴以幹局達魏延以勇略任楊儀而以當官
顯劉琰舊仕並咸貴重覽其舉措迹其規矩招禍取咎

蜀志卷十一

晉陳壽撰

霍峻

王連

向朗兄張裔

楊洪

費詩

霍峻字仲邈南郡枝江人也兄篤於鄉里合郡曲數百人篤卒荆州牧劉表令峻攝其衆表卒峻率衆歸先主先主以峻爲中郎將先主自葭萌南還襲劉璋留峻守

葭萌城張魯遣將楊帛誘峻求共守城峻曰小人頭可得城不可得帛乃退去後璋將扶禁向存等帥萬餘人由閬水上攻圍峻且一年不能下峻城中兵纔數百人伺其怠隙選精銳出擊大破之卽斬存首先主定蜀嘉峻之功乃分廣漢爲梓潼郡以峻爲梓潼太守裨將軍在官三年年四十卒還葬成都先主甚悼惜乃詔諸葛亮曰峻旣佳士加有功於國欲行醕遂親率羣僚臨會弔祭因留宿墓上當時榮之于弋字紹先先主末年爲太子舍人後主踐祚除謁者丞相諸葛亮北駐漢中請爲記室使與子喬共周旋游處亮卒爲黃門侍郎後主


立太子璿以弋爲中庶子璿好騎射出入無度弋援引古義盡言規諫甚得切磋之體後爲參軍庾降屯副貳都督又轉護軍統事如前時永昌郡夷獠恃險不賓數爲寇害乃以弋領永昌太守卒偏軍討之遂斬其豪帥破壞邑落郡界寧靜遷監軍羽軍將軍領建寧太守還統南郡事景耀六年進號安上將軍是歲蜀并于魏弋與巴東領軍襄陽羅憲各保一土方舉以內附咸因仍前任寵待有加

漢晉春秋曰璿弋聞魏軍來弋欲赴成都後主以備敵旣定不聽及成都守弋素服號哭大臨三日諸將咸勸宜速降弋曰今道路隔塞未詳主之安危大故去就不可苟也若主上與魏和見遇以禮則保境而降不晚也若主上與魏死拒之何論遲速邪得後主東遷之問始率六郡將守

上表曰臣聞人生於三事之如一惟難所在則致其命
今臣國敗主附守死無所是以委贖不致有二晉文王
善之又拜南中都督委以本任後遣將兵救援呂興平
夷耻日南九真三郡功封列侯進號崇賞焉弋孫彪晉
遷嵩太守襄陽記曰羅憲字令則父蒙避亂於蜀官
至廣漢太守憲少以才學知名年十三能屬文後主立
太子為太子舍人遷庶子尚書吏部郎以宣信校尉再
使於吳吳人稱羨焉時黃皓預政眾多附之憲獨不與
同皓志左遷巴東太守時右大將軍闕宇都督巴東為
領軍後主拜憲為宇副貳魏之伐蜀召宇西還留宇二
千人令憲守永安城尋聞成都敗城中擾動江邊長吏
皆棄城走憲斬稱成都亂者一人百姓乃定得後主委
賢問至乃帥所統臨于都亭三日吳聞蜀敗起兵西上
外託救援內欲襲憲憲曰本朝領覆吳為唇齒不恤我
難而微其利背盟違約且漢已三吳何得久寧能為吳
降虜乎保城繕甲告誓將士厲以節義莫不用命吳聞
鍾鄩敗百城無主有乘蜀之志而巴東固守兵不得過
使步協率眾而西憲臨江拒射不能禦遣參軍楊宗突
圍比出告急安東將軍陳騫又送文法印綬任子蕭晉
王協攻城憲出與戰大破其軍孫休怒復遣陸抗等帥

眾三萬人增憲之圍被攻此六月日而救援不到城中
疾病大半或說憲奔走之計憲曰夫為人主百姓所仰
危不能安急而棄之君子不為也畢命於此矣陳騫言
於晉王遣荊州刺史胡烈救憲抗等引退晉王命委前
任拜憲凌江將軍封萬年亭侯會武陵四縣舉眾叛吳
以憲為武陵太守巴東監軍恭始元年改封西鄂縣侯
憲遣妻子居洛陽武帝以子襲為給事中三年冬入朝
進位冠軍將軍假節四年三月從帝宴于華林園詔問
蜀大臣子弟後問先輩官時叙用者憲薦蜀郡常忌杜
軫壽良巴西陳壽南郡高軌高陽呂雅許國江夏費恭
琅瑯諸葛京汝南陳裕即皆叙用咸顯於世憲還襲取
吳之巫城因上伐吳之策憲方亮嚴正待士不倦輕財
好施不治產業六年薨贈安南將軍謚曰烈侯子襲以
陵江將軍領部曲早卒追贈廣漢太守襲子襲順陽內
史永嘉五年為王如所殺此作
獻名與本傳不同未詳孰是也

王連字文儀南陽人也劉璋時入蜀為梓潼令先主起
事葭萌進軍來南連閉城不降先主義之不疆偪也及



成都既平以連為什邡令轉在廣都所居有績遷司鹽校尉較鹽鐵之利利入甚多有裨國用於是簡取良才以為官屬若呂乂杜祺劉幹等終皆至大官自連所拔也遷蜀郡太守興業將軍領鹽府如故建興元年拜屯騎校尉領丞相長史封平陽亭侯時南方諸郡不賓諸葛亮將自征之連諫以為此不毛之地疫癘之鄉不宜以一國之望冒險而行亮慮諸將才不及已意欲必往而連言輒懇至故停留者久之會連卒子山嗣官至江陽太守

向朗字巨達襄陽宜城人也

襄陽記曰朗少師事司馬德操與徐元直韓德高麗

士元皆親善荆州牧劉表以為臨沮長表卒歸先主先主定江南使朗督秭歸夷道巫山夷陵四縣軍民事蜀既平以朗為巴西太守頃之轉任犍為又徙房陵後主踐阼為步兵校尉代王連領丞相長史丞相亮南征朗留統後事五年隨亮漢中朗素與馬謖善謖逃亡朗知情不舉亮恨之免官還成都數年為光祿勳亮卒後徙左將軍追論舊功封顯明亭侯位特進初朗少時雖涉獵文學然不治素檢以吏能見稱自去長史優游無事垂三十年臣松之案朗坐馬謖免長史則建興六年也朗至延熙十年卒整二十年耳此云三十年之誤也乃更潛心典籍孜孜不倦年踰八十猶手自校書刊定

謬誤積聚篇卷於時最多開門接賓誘納後進但講訟古義不干時事以是見稱上自執政下及童冠皆敬重

焉延熙十年卒

襄陽記曰朗遺言戒子曰傳稱師克在和則國家平九族和則動得所求靜得所安是以聖人守和以存以亡也吾楚國之小子耳而早喪所天為二

兄所誘養使其性行不隨祿利以墮今子條嗣景耀中

但貧耳貧非人患惟和為貴汝其勉之

為御史中丞

襄陽記曰條字文豹亦博學多識人晉為江陽太守南中軍司馬

朗兄子

寵先主時為牙門將祜歸之敗寵營特完建興元年封

都亭侯後為中部督典宿衛兵諸葛亮當北行表與後

主曰將軍向寵性行淑均曉暢軍事試用於昔先帝稱

之曰能是以眾論舉寵為督愚以為營中之事悉以咨

之必能使行陣和睦優劣得所也遷中領軍延熙三年

征漢嘉蠻夷遇害寵弟充歷射聲校尉尚書

襄陽記曰魏咸熙元年

年六月鍾南將軍衛瓘至於成都得璧玉印各一枚文似成信字魏人宣示百官藏于相國府充謂之曰吾聞

謙周之言先帝諱備其訓具也後主諱禪其訓授也如

言劉已其矣當授與人也今中撫軍名炎而漢年極於

炎與瑞出成都而藏之於相國府此殆天意也是歲拜

充為梓潼太守明年十二月而晉武帝即尊位炎與於

是乎徵焉 成都號曰成氏二王之文殆述所作乎

張裔字君嗣蜀郡成都人也治公羊春秋博涉史漢汝

南許文休入蜀謂裔幹理敏捷是中夏鍾元常之倫也

劉璋時舉孝廉為魚復長還州署從事領帳下司馬張

飛自荊州由墊江入璋授裔兵拒張飛於德陽陌下軍

敗還成都爲璋奉使詣先主先主許以禮其君而安其人也裔還城門乃開先主以裔爲巴郡太守還爲司金中郎將典作農戰之器先是益州郡殺太守正昂者率雍閬恩信著於南土使命周旋遠通孫權乃以裔爲益州太守徑往至郡閬遂赳赳不賔假鬼教曰張府君如瓠壺外雖澤而內實麤不足殺令縛與吳於是遂送裔於權會先主薨諸葛亮遣鄧芝使吳亮令芝言次可從權請裔裔自至吳數年流徙伏匿權未之知也故許芝遣裔裔臨發權乃引見問裔曰蜀卓氏寡女亡奔司馬相如貴主風俗何以乃爾乎裔對曰愚以爲卓氏之寡

女猶賢於買臣之妻權又謂裔曰君還必用事西朝終不作田父於閭里也將何以報我裔對曰裔負罪而歸將委命有司若蒙微倖得全首領五十八已前父母之年也自此已後大王之賜也權言笑歡悅有器裔之色裔出閣深悔不能陽愚即便就船倍道兼行權果追之裔已入永安界數十里追者不能及旣至蜀丞相亮以爲參軍署府事又領益州治中從事亮出駐漢中裔以射聲校尉領留府長史常稱曰公賞不遺遠罰不阿近爵不可以無功取刑不可以貴勢免此賢愚之所以愈忘其身者也其明年北詣亮諮事送者數百車乘盈路

裔還書與所親曰近者涉道晝夜接賓不得寧息人自敬丞相長史男子張君嗣附之疲倦欲死其談喟流連

皆此類也

臣松之以為談喟貴於機捷書疏可容留意今因書疏之巧以著談喟之速非其理也

少與犍為楊恭友善恭早死遺孤未數歲裔迎留與分

屋而居事恭母如母恭之子息長大為之娶婦買田宅

產業使立門戶撫恤故舊振贍衰宗行義甚至加輔漢

將軍領長史如故建興八年卒子髦嗣

髦音作角反見字林曰髦思貌

也歷三郡監軍掣弟郁太子中庶子

楊洪字季休犍為武陽人也劉璋時歷部諸郡先主之

蜀太守李嚴命為功曹嚴欲徙郡治舍洪固諫不聽遂

辭功曹請退嚴欲薦洪於州為蜀郡從事先主爭漢中

急書發兵軍師將軍諸葛亮以問洪洪曰漢中則益州

咽喉存亡之機會若無漢中則無蜀矣此家門之禍也

方今之事男子當戰女子當運發兵何疑時蜀郡太守

法正從先主北行亮於是表洪領蜀郡太守眾事皆辨

遂使即真頃之轉為益州治中從事先主既稱尊號征

吳不克還住永安漢嘉太守黃元素為諸葛亮所不善

聞先主疾病懼有後患舉郡反燒臨邛城時亮東行省

疾成都單虛是以元益無所憚洪即啓太子遣其親兵

使將軍陳曷鄭綽討元衆議以為元若不能圍成都當

由越雋據南中洪曰元素性凶暴無他恩信何能辨此
不過乘水東下冀主上平安面縛歸死如其有異奔吳
求活耳勅督綽但於南安峽口遮即便得矣督綽承洪
言果生獲元洪建興元年賜爵關內侯復為蜀郡太守
忠節將軍後為越騎校尉領郡如故五年丞相亮北住
漢中欲用張裔為留府長史問洪何如洪對曰裔天姿
明察長於治劇才誠堪之然性不公平恐不可專任不
如留向朗朗情偽老少裔隨從目下效其器能於事兩
善初裔少與洪親善裔流放在吳洪臨裔郡裔于郁紿
郡吏微過受罰不特原假裔後還聞之深以為恨與洪
情好有損及洪見亮出至裔許且說所言裔荅洪曰公
留我了矣明府不能止時人或疑洪意自欲作長史或
疑洪知裔自嫌不願裔處要職典後事也後裔與司鹽
校尉岑述不和至于忿恨亮與裔書曰君昔在栢下營
壞吾之用心食不知味後流迸南海相為悲歎寢不安
席及其來還委付大任同獎王室自以為與君古之石
交也石交之道舉讎以相益割骨肉以相明猶不相謝
也况吾但委噫於元儉而君不能忍邪論者由是明洪
無私洪少不好學問而忠清款亮憂公如家事繼母至
孝六年卒官始洪為李嚴功曹嚴未至犍為而洪已為

蜀郡洪迎門下書佐何祗有才策功幹舉郡吏數年為
廣漢太守時洪亦尚在蜀郡是以西土咸服諸葛亮能
盡時人之器用也益部耆舊傳雜記曰每朝會祗次洪
敢駛但明府未著鞭耳眾傳之以為笑祗字君肅少
寒貧為人寬厚通濟體甚壯大又能飲食好聲色不持
節儉故時人少貴之者常夢井中生桑以問占夢趙直
直曰桑非井中之物當移植然桑字四十八君壽
恐不過此祗笑言得此足矣初往郡後為督軍從事時
諸葛亮用法峻密陰聞祗游戲放縱不勤所職當奉往
錄獄眾人咸為祗懼祗密聞之夜張燈火見囚讀諸解
狀諸葛亮往祗悉已聞誦答對解釋無所凝滯亮甚異
之出補成都令時郫縣令缺以祗兼二縣二縣戶口猥
多切近都治饒諸奸穢每比人常眠睡值其覺寤輒得
奸詐眾咸畏祗之發摘或以為有術無敢欺者使人投
笮祗聽其讀而心計之不差升合其精如此汶山夷不
安以祗為汶山太守民夷服信遷廣漢後夷反叛辭令
得前何府君乃能安我耳時雖屈祗拔祗族人為汶山

復得安轉祗為犍為年四十八卒如直所言後有廣漢
王離字伯元亦以才幹顯為督軍從事推法平當稍遷
代祗為犍為太守治有美績雖
聰明不及祗而文采過之也

費詩字公舉犍為南安人也劉璋時為縣竹令先主攻
縣竹時詩先舉城降成都既定先主領益州牧以詩為
督軍從事出為犍為太守還為州前部司馬先主為漢
中王遣詩拜關羽為前將軍羽聞黃忠為後將軍羽怒
曰大丈夫終不與老兵同列不肯受拜詩謂羽曰夫立
王業者所用非一昔蕭曹與高祖少小親舊而陳韓亡
命後至論其班列韓最居上未聞蕭曹以此為怨今漢
王以一時之功隆崇於漢室然意之輕重寧當與君侯

齊乎且王與君侯譬猶一體同休等戚禍福共之愚爲君侯不宜計官號之高下爵祿之多少爲意也僕一介之使銜命之人君侯不受拜如是便還但相爲惜此舉動恐有後悔耳羽大感悟遽卽受拜後羣臣議欲推漢中王稱尊號詩上疏曰殿下以曹操父子偏主篡位故乃羈旅萬里糾合士衆將以討賊今大敵未克而先自立恐人心疑惑昔高祖與楚約先破秦者王及屠咸陽獲子嬰猶懷推讓况今殿下未出門庭便欲自立邪愚臣誠不爲殿下取也由是忤指左遷部永昌從事習鑿齒曰夫創本之君須大定而後正已纂統之主俟速建以係衆心是故惠公朝虜而子圍夕立更始尚存而光武舉

號夫豈忘王微利社稷之始也今生王糾合義兵將以討賊賊疆禍大王沒國喪一耻之朝絕而不可苟非親賢孰能紹此嗣祖配天非咸陽之警杖正討逆何推讓之有於此時也不如速尊有德以奉大統使民欣反正世觀舊物枝順者齊心附逆者同懼可謂聞惑矣其建黜降也宜哉 臣松之以爲鑿齒論議惟此議最善建興三年隨諸葛亮南行歸至漢陽縣降人李鴻來詣亮亮見鴻時蔣琬與詩在坐鴻曰聞過孟達許適見王冲從南來言往者達之去就明公切齒欲誅達妻子願先王不聽耳達曰諸葛亮見顧有本末終不爾也盡不信冲言委仰明公無復已已亮謂琬詩曰還都當有書與子度相聞詩進曰孟達小子昔事振威不忠後又背叛先王反覆之人何足與書邪亮默然不荅亮欲誘達以

萬曆二十八年刊

爲外援竟與達書曰往年南征歲未及還適與李鴻會於漢陽承知消息慨然永歎以存足下平素之志豈徒空託名榮貴爲華離乎嗚呼孟子斯實劉封侵陵足下以傷先主待士之義又鴻道王冲造作虛語云足下量度吾心不受冲說尋表明之言追平生之好依依東望故遣有書達得亮書數相交通辭欲叛魏魏遣司馬宣王征之即斬滅達亮亦以達無款誠之心故不救助也蔣琬秉政以詩爲諫議大夫卒於家王冲者廣漢人也爲牙門將統屬江州督李嚴爲嚴所疾懼罪降魏魏以冲爲樂陵太守

孫盛蜀世譜曰詩子在晉散騎常侍自後益州諸費有名位者多是詩之後也

評曰霍峻孤城不傾王連固節不移向朗好學不倦張裔庸敏應機楊洪乃心忠公費詩率意而言皆有可紀焉以先主之廣濟諸葛之準繩詩吐直言猶用陵遲况庸后乎哉

蜀志卷十一終

先主之寵

平

蜀志卷十二

晉陳壽撰

杜微

周羣

張禛附

杜瓊

許茲

孟光

來敏

尹默

李譔

譙周

郤正

杜微字國輔梓潼涪人也少受學於廣漢任安劉璋辟為從事以疾去官及先主定蜀微常稱蠶閉門不出建

康熙二十五年

蜀志卷十二

傳

一

興二年丞相亮領益州牧選迎皆妙簡舊德以秦宓爲
別駕五梁爲功曹微爲主簿微固辭輦而致之旣至亮
引見微微自陳謝亮以微不聞人語於坐上與書曰服
聞德行饑渴歷時清濁異流無緣咨覲王元泰李伯仁
王文儀楊季休丁君幹李永南兄弟文仲寶等每歎高
志未見如舊猥以空虛統領貴州德薄任重慘慘憂慮
朝廷主公今年始十八天姿仁敏愛德下士天下之人
思慕漢室欲與君因天順民輔此明主以隆季興之功
著勳於竹帛也以謂賢愚不相爲謀故自割絕守勞而
已不啻自屈也微自乞老病求歸亮又與書荅曰曹丕

篡竊自立爲帝是猶土龍芻狗之有名也欲與羣賢因
其邪僞以正道滅之怪君未有相誨便欲求還於山野
不又大興勞役以向吳楚今因不務且以閑境勤農
育養民物並治甲兵以待其挫然後伐之可使兵不戰
民不勞而天下定也君但當以德輔時耳不責君軍事
何爲汲汲欲求去乎其敬微如此拜爲諫議大夫以從
其志五梁者字德山犍爲南安人也以儒學節操稱從
議郎遷諫議大夫五官中郎將

周羣字仲直巴西閬中人也父舒字叔布少學術於廣
漢楊厚名亞董扶任安數被徵終不詣時人有問春秋

識曰代漢者當塗高此何謂也舒曰當塗高者魏也鄉
黨學者私傳其語羣少受學於舒專心候業於庭中作
小樓家富多奴常令奴更直於樓上視天災纔見一氣
卽白羣羣自上樓觀之不避晨夜故凡有氣候無不見
之者是以所言多中州牧劉璋辟以爲師友從事續漢書曰
建安七年越雋有男子化爲女人時羣言哀帝時亦有此將易代之祥也至二十五年獻帝果封于山陽十二年十月有星孛于鶉尾荆州分野羣以爲荆州牧將死而失土明年秋劉表卒曹公平荆州十七年十二月星孛于五諸侯羣以爲西方專據土地者皆將失土是時劉璋據益州張魯據漢中韓遂據涼州宋建據枹罕明年冬曹公遣偏將擊凉州十九年獲宋建韓遂逃于羌中被殺其年秋璋失益州二十年秋曹公攻漢中張魯降
先主定蜀署儒林校尉先主欲與曹公爭漢中問羣

羣對曰當得其地不得其民也若出偏軍必不利當戒

慎之時州後部司馬蜀郡張裕亦曉占候而天才過羣

裕字南和諫先主曰不可爭漢中軍必不利先主竟不用裕

言果得地而不得民也遣將軍吳蘭雷銅等入武都皆

沒不還悉如羣言於是舉羣茂才裕又私語人曰歲在

庚子天下當易代劉氏祚盡矣主公得益州九年之後

寅卯之間當失之人密白其言初先主與劉璋會涪時

裕爲璋從事侍坐其人饒鬚先主嘲之曰昔吾居涿縣

特多毛姓東西南北皆諸毛也涿令稱曰諸毛繞涿居

平裕卽荅曰昔有作上黨潞長遷爲涿令涿令者去官

還家時人與書欲署潞則失潞欲署涿則失潞乃署曰
潞涿君先主無鬚故潞以此及之先主常銜其不遜加
忿其漏言乃顯裕諫爭漢中不驗下獄將誅之諸葛亮
表請其罪先主荅曰芳蘭生門不得不鉏裕遂棄市後
魏氏之立先主之薨皆如裕所刻又曉相術每舉鏡視
面自知刑死未嘗不撲之于地也羣卒子巨頗傳其術
杜瓊字伯瑜蜀郡成都人也少受學於任安精究安術
劉璋時辟爲從事先主定益州領牧以瓊爲議曹從事
後主踐阼拜諫議大夫遷左中郎將大鴻臚太常爲人
靜默少言闔門自守不與世事蔣琬費禕等皆器重之

雖學業入深初不視天文有所論說後進通儒譙周嘗
問其意瓊荅曰欲明此術甚難須當身視識其形色不
可信人也晨夜苦劇然後知之復憂漏泄不如不知是
以不復視也周因問曰昔同徵君以爲當塗高者魏也
其義何也瓊荅曰魏闕名也當塗而高聖人取類而言
耳又問周曰寧復有所怪邪周曰未達也瓊又曰古者
名官職不言曹始自漢已來名官盡言曹吏言屬曹卒
言侍曹此殆天意也瓊年八十餘延熈十三年卒著韓
詩章句十餘萬言不教諸子內學無傳業者周緣瓊言
乃觸類而長之曰春秋傳著晉穆侯名太子曰仇弟曰

成師師服曰異哉君之名子也嘉耦曰妃怨耦曰仇今
君名太子曰仇弟曰成師始兆亂矣兄其替乎其後果
如服言及漢靈帝名二子曰史侯董侯既立爲帝後皆
免爲諸侯與師服言相似也先主諱備其訓具也後主
諱禪其訓授也如言劉已具矣當授與人也意者甚於
穆侯靈帝之名子後宦人黃皓弄權於內景耀五年宮
中大樹無故自折周深憂之無所與言乃書柱曰衆而
大期之會具而授若何復言曹者衆也魏者大也衆而
大天下其當會也具而授如何復有立者乎蜀既亡咸
以周言爲驗周曰此雖已所推尋然有所因由杜君之
辭而廣之耳殊無神思獨至之異也

許慈字仁篤南陽人也師事劉熙善鄭氏學治易尚書
三禮毛詩論語建安中與許靖等俱自交州入蜀時又
有魏郡胡潛字公興不知其所以在益土潛雖學不沾
洽然卓犖彊識祖宗制度之儀喪紀五服之數皆指掌
畫地舉手可采先主定蜀承喪亂歷紀學業衰廢乃鳩
合典籍沙汰衆學慈潛並爲博士與孟光來敏等典掌
舊文值庶事草創動多疑議慈潛更相克代謗讟忿爭
形於聲色書籍有無不相通借時尋楚捷以相震撼虛
曉其矜已妬彼乃至於此先主愍其若斯羣僚大會使
反

倡家假爲二子之容倣其訟閱之裝酒酣樂作以爲嬉
戲初以辭義相難終以刀杖相屈用感切之潛先沒慈
後主世稍遷至大長秋卒孫盛曰蜀少人士故子勛傳
其業復爲博士

孟光字孝裕河南洛陽人漢太尉孟郁之族續漢書云郁中常侍

孟貴之弟靈帝末爲講部吏獻帝遷都長安遂逃入蜀劉焉

父子待以客禮博物識古無書不覽尤銳意三史長於

漢家舊典好公羊春秋而譏呵左氏每與來敏爭此二

義光常詭譎謹詭音奴交反謹音休先主定益州拜

爲議郎與許慈等並掌制度後主踐阼爲符節令屯騎

校尉長樂少府遷大司農延熙九年秋大赦光於衆中

責大將軍費禕曰夫赦者偏枯之物非明世所宜有也

衰弊窮極必不得已然後乃可權而行之耳今主上仁

賢百僚稱職有何旦夕之危倒縣之急而數施非常之

恩以惠姦宄之惡乎又鷹隼始擊而更原宥有罪上犯

天時下違人理老夫耄朽不達治體竊謂斯法難以經

久豈具瞻之高美所望於明德哉禕但顧謝跋蹠而已

光之指摘痛癢多如是類故執政重臣心不能悅爵位

不登每直言無所回避爲代所嫌太常廣漢鐔承華陽國志

日承字公文光祿勳河東裴儁等年資皆在光後而登

據上列處光之右蓋以此也

傳暢裴氏家記曰儁字奉先魏尚書令替弟也儁姊

天為蜀中長史儁送之時年十餘歲遂遭漢末大亂不復得還儁長知名為蜀所推重也子越字令緒為蜀督

軍蜀破遷還洛陽拜議郎後進文士秘書郎郤正數從光諮訪光問

正太子所習讀并其情性好尚正荅曰奉親虔恭夙夜

匪懈有古世子之風接待羣僚舉動出於仁恕光曰如君

所道皆家戶所有耳吾今所問欲知其權略智調何如

也正曰世子之道在於承志竭歡既不得妄有所施為

且智調藏於胸懷權略應時而發此之有無焉可豫設

也光解正慎宜不為放談乃曰吾好直言無所回避每

彈射利病為世人所譏嫌疑省君意亦不甚好吾言然

語有次今天下未定智意為先智意雖有自然然不可

力疆致也此諸君讀書寧當微吾等竭力博識以待訪

問如博士探策講試以求爵位邪當務其急者正深謂

光言為然後光坐事免官年九十餘卒

來敏字敬達義陽新野人來歙之後也父豔為漢司空

豔後漢書曰豔好學下士開館養徒衆少歷顯位靈帝時位至司空漢末大亂敏隨姊

夫奔荊州姊夫黃琬是劉璋祖母之姪故璋遣迎琬妻

敏遂俱與姊入蜀常為璋賓客涉獵書籍善左氏春秋

尤精於倉雅訓詁好是正文字先主定益州署敏典學

校尉及立太子以為家令後主踐阼為虎賁中郎將丞

相亮住漢中請為軍祭酒輔軍將軍坐事去職亮集有

軍來敏對上官顯言新人有何功德而奪我榮資與之

邪諸人共憎我何故如是敏年老在悖生此怨言昔成

都初定議者以為來敏亂羣先帝以新定之際故遂舍

容無所禮用後劉子初選以為太子家令先帝不悅而

不忍也後主即位吾聞於知人遂復擢為將軍祭酒

違議者之審見昔先帝所疎外自謂能以敦厲薄俗節

之以義今既不能表亮卒後還成都為大長秋又免後

累遷為光祿大夫復坐過黜前後數貶削皆以語言不

節舉動違常也時孟光亦以樞機不慎論議于時然猶

愈於敏俱以其者宿學士見禮於世而敏荆楚名族東

宮舊臣特加優待是故廢而復起後以敏為執慎將軍

欲令以官重自警戒也年九十七景耀中卒子忠亦博

覽經學有敏風與尚書向充等並能協贊大將軍姜維

維善之以為參軍

尹默字思潛梓潼涪人也益部多貴今文而不崇章句

默知其不博乃遠游荆州從司馬德操宋仲子等受古

學皆通諸經史又專精於左氏春秋自劉歆條例鄭眾

賈逵父子陳元方服虔注說咸略誦述不復按本先主

定益州領牧以為勸學從事及立太子以默為僕射以

左氏傳授後主後主踐阼拜諫議大夫丞相亮住漢中

請為軍祭酒亮卒還成都拜太中大夫卒子宗傳其業

為博士

宋仲子後在魏魏略曰其子與魏諷謀反伏誅魏太子答王朗書曰昔石厚與州吁游父誅知

其與亂韓子昵田蘇穆子知其好仁故君子游必有方
居必就士誠有以也嗟乎宋忠無石子先識之明老羅
此禍今雖欲願行滅親之
誅立純臣之節尚可得邪

李譔字欽仲梓潼涪人也父仁字德賢與同縣尹默俱
游荊州從司馬徽宋忠等學譔具傳其業又從默講論
義理五經諸子無不該覽加博好技藝筭術卜數醫藥
弓弩機械之巧皆致思焉始爲州書佐尚書令史延熙
元年後主立太子以譔爲庶子遷爲僕射轉中散大夫
右中郎將猶侍太子太子愛其多知甚悅之然體輕脫
好戲啁故世不能重也著古文易尚書毛詩三禮左氏
傳太玄指歸皆依準賈馬異於鄭玄與王氏殊隔初不

見其所迷而意歸多同景耀中卒時又有漢中陳術字
申伯亦博學多聞著釋問七篇益部耆舊傳及志位歷
三郡太守

譙周字允南巴西西充國人也父岍字榮始治尚書兼
通諸經及圖緯州郡辟請皆不應州就假師友從事周
幼孤與母兄同居既長耽古篤學家貧未嘗問產業誦
讀典籍欣然獨笑以忘寢食研精六經尤善書札頗曉
天文而不以留意諸子文章非心所存不悉徧視也身
長八尺體貌素朴性推誠不飾無造次辯論之才然潛
識內敏建興中丞相亮領益州牧命周爲勸學從事

曰周初見亮左右皆笑既出有司請亮卒於敵庭周在
推笑者亮曰孤尚不能忍况左右乎家聞問即便奔赴尋有詔書禁斷惟周以速行得達大
將軍蔣琬領刺史徙為典學從事總州之學者後主立
太子以周為僕轉家令時後主頗出游觀增廣聲樂周
上疏諫曰昔王莽之敗豪傑並起跨州據郡欲弄神器
於是賢才智士思望所歸未必以其勢之廣狹惟其德
之薄厚也是故於時夏始公孫述及諸有大衆者多已
廣大然莫不快情恣欲急於為善游獵飲食不恤民物
世祖初入河北馮異等勸之曰當行人所不能為遂務
理寬獄節儉飲食動遵法度故北州歌歎聲布四遠於
是鄧禹自南陽追之吳漢寇恂未識世祖遙聞德行遂
以權計舉漁陽上谷突騎迎于廣阿其餘望風慕德者
邳彤耿純劉植之徒至于輿病齋棺纒負而至者不可
勝數故能以弱為彊屠王郎吞銅馬折赤眉而成帝業
也及在洛陽嘗欲小出車駕已御鈔期諫曰天下未寧
臣誠不願陛下細行數出即時還車及征隗囂潁川盜
起世祖還洛陽但遣寇恂往恂曰潁川以陛下遠征故
姦猾起叛未知陛下還恐不時降陛下自臨潁川賊必
即降遂至潁川竟如恂言故非急務欲小出不敢至於
急務欲自安不為故帝者之欲善也如此故傳曰百姓

不徒附誠以德先之也今漢遭厄運天下三分推哲之士思望之時也陛下天姿至孝喪踰三年言及隕滂雖魯閔不過也敬賢任才使之盡力有踰成康故國內和一大小勦力臣所不能陳然臣不勝大願願復廣人所不能者夫輓大重者其用力苦不衆拔大艱者其善術苦不廣且承事宗廟者非徒求福祐所以率民尊上也至於四時之祀或有不臨池苑之觀或有仍出臣之愚滯私不自安夫憂責在身者不暇盡樂先帝之志堂構未成誠非盡樂之時願省減樂官後宮所增造但奉脩先帝所施下爲子孫節儉之教徒爲中散大夫猶侍太子于時軍旅數出百姓彫瘁周與尚書令陳祗論其利害退而書之謂之仇國論其辭曰因餘之國小而聲震之國大並爭於世而爲仇敵因餘之國有高賢卿者問於伏愚子曰今國事未定上下勞心往古之事能以弱勝疆者其術何如伏愚子曰吾聞之處大無患者恒多慢處小有憂者恒思善多慢則生亂思善則生治理之常也故周人養民以少取多勾踐卹衆以弱斃疆此其術也賢卿曰曩者項疆漢弱相與戰爭無日寧息然項羽與漢約分鴻溝爲界各欲歸息民張良以爲民志既定則難動也尋帥追羽終斃項氏豈必由文王之事乎

肇建之國方有疾疢我因其隙陷其邊陲覬增其疾而
斃之也伏愚子曰當殷周之際王侯世尊君臣乂固民
習所專深根者難拔據固者難遷當此之時雖漢祖安
能杖劔鞭馬而取天下乎當秦罷侯置守之後民疲秦
役天下土崩或歲改土或月易公鳥驚獸駭莫知所從
於是豪彊並爭虎烈狼分疾搏者獲多遲後者見吞今
我與肇建皆傳國易世矣既非秦末鼎沸之時實有六
國並據之勢故可爲文王難爲漢祖夫民疲勞則騷擾
之兆生上慢下暴則瓦解之形起諺曰射幸數跌不如
審發是故智者不爲小利移目不爲意似改步時可而
後動數合而後舉故湯武之師不再戰而克誠重民勞
而度時審也如遂極武黷征土崩勢生不幸遇難雖有
智者將不能謀之矣若乃竒變從橫出入無間衝波截
轍超谷越山不由舟楫而濟盟津者我愚子也實所不
及後遷光祿大夫位亞九列周雖不與政事以儒行見
禮時訪大議輒據經以對而後生好事者亦咨問所疑
焉景耀六年冬魏大將軍鄧艾克江由長驅而前而蜀
本謂敵不便至不作城守調度及聞艾已入陰平百姓
擾擾皆途山野不可禁制後主使羣臣會議計無所出
或以爲蜀之與吳本爲和國宜可奔吳或以爲南中七

郡阻險斗絕易以自守宜可奔南惟周以爲自古已來
無寄他國爲天子者也今若入吳固當臣服且政理不
殊則大能吞小此數之自然也由此言之則魏能并吳
吳不能并魏明矣等爲小稱臣孰與爲大再辱之耻何
與一辱且若欲奔南則當早爲之計然後可果今大敵
以近禍敗將及羣小之心無一可保恐發足之日其變
不測何至南之有乎羣臣或難周曰今艾以不遠恐不
受降如之何周曰方今東吳未賓事勢不得不受之受
之後不得不禮若陛下降魏魏不裂土以封陛下者周
請身詣京都以古義爭之衆人無以易周之理後主猶

疑於入南周上疏曰或說陛下以北兵深入有欲適南
之計臣愚以爲不安何者南方遠夷之地平常無所供
爲猶數反叛自丞相亮南征兵勢偏之窮乃幸從是後
供出官賦取以給兵以爲愁怨此患國之人也今以窮
迫欲往依恃恐必復反叛一也北兵之來非但取蜀而
已若奔南方必因人勢衰及時赴追二也若至南方外
當拒敵內供服御費用張廣他無所取耗損諸夷必甚
甚必速叛三也昔王郎以邯鄲僭號時世祖在信都畏
偏於郎欲棄還關中邳彤諫曰明公西還則邯鄲城民
不肯捐父母背城主而千里送公其亡叛可必也世祖

從之遂破邯鄲今北兵至陛下南行誠恐邪彫之言復
信於今四也願陛下早為之圖可獲爵土若遂適南勢
窮乃服其禍必深易曰亢之為言知得而不知喪知存
而不知亡知得失存亡而不失其正者其惟聖人乎言
聖人知命而不苟必也故堯舜以子不善知天有授而
求授人子雖不肖禍尚未萌而迎授與人况禍以至乎
故微子以殷王之昆面縛銜璧而歸武王豈所樂哉不
得已也於是遂從周策劉氏無虞一邦蒙賴周之謀也
孫綽評曰譙周說後主降魏可乎曰自為天子而乞降
請命何恥之深乎夫為社稷死則死之為社稷亡則亡
之先君正魏之讎不與同天矣推過於其父俛首而事
讎可謂苟存豈為居正之道哉 孫綽曰春秋之義國

君死社稷卿大夫死位况稱天子而可辱於人乎周謂
萬乘之君偷生苟免禮希利要冀微榮感矣且以事
勢言之理有未盡何者禪雖庸王實無桀紂之酷戰雖
屢比未有土崩之亂縱不能君臣固守背城借一自可
退次東鄙以思後圖是時羅憲以重兵據白帝霍弋以
強卒鎮夜郎蜀土險狹山水峻隔絕激湍岸步卒所
涉若悉取舟楫保據江州徵兵南中乞師東國如此則
姜廖五將自然雲從吳之二師承命電赴何投寄之無
所而慮於必亡邪魏師之來塞國大舉欲追則舟楫靡
資欲留則師老多虞且屈伸有會情勢代起徐因思奮
之民以攻驕惰之卒此越王所以敗闔閭田單所以摧
騎劫也何為匆匆遽自囚虜下堅壁於敵人致斫石之
至恨哉葛生有云事之不濟則已耳安能復為之下壯
哉斯言可以立懦夫之志矣觀古燕齊荆越之敗或國
覆王城或魚縣烏窠終能建功立事康復社稷豈曰天
助抑人謀也向使懷苟存之計納譙周之言何邪基之
能構令名之可獲哉禪既闇主周實駑駕臣 時晉文王為
方之申包田單范蠡大夫種不亦遠乎 魏相國以周有全國之功封陽城亭侯又下書辟周周

發至漢中困疾不進咸熙二年夏巴郡文立從洛陽還蜀過見周周語次因書板示立曰典午忽兮月西沒兮典午者謂司馬也月西者謂八月也至八月而文王果

崩 華陽國志曰文立字廣休少治毛詩三禮兼通羣書刺史費禕命為從事入為尚書郎復辟為大將軍東

曹掾稍近尚書蜀并于魏梁州建首為別駕從事舉秀才晉泰始二年拜濟陰太守遷太子中庶子立上言故

蜀大官及盡忠死事者子孫雖仕郡國或有不才同之

齊民為劇又諸葛亮蔣琬費禕等子孫流徙中畿各宜

量才叙用以慰巴蜀之心傾異人之望事皆施行轉散

騎常侍獻可替否多所補納稍遷衛尉中朝服其賢雅

奏詩賦論誦凡數十篇 晉室踐祚累下詔所在發遣

周周遂與疾詣洛泰始三年至以疾不起就拜騎都尉周乃自陳無功而封求還節土皆不聽許五年予嘗為

本郡中正清定事訖求休還家往與周別周語予曰昔

孔子七十二劉向楊雄七十一而沒今吾年過七十庶

慕孔子遺風可與劉楊同軌恐不出後歲必便長逝不

復相見矣疑周以術知之假此而言也六年秋為散騎

常侍疾篤不拜至冬卒 晉陽秋載詔曰朕甚悼之賜朝

服上言周臨終屬無曰父抱疾未會朝見若國恩賜朝

服衣物者勿以加身當還舊墓道險行難豫作輕棺殯

斂已畢上還所賜詔 凡所著述撰定法訓五經論古史

考書之屬百餘篇 益部耆舊傳曰益州刺史董榮圖畫

抑誰侯好古述儒實道懷真鑒世盈虛雅名矣述終始

是書我后欽賢無言不譽攀諸前哲丹青是圖嗟爾來

葉鑿茲 顯模 周子熙賢同少子同頽好周業亦以忠篤質

素為行舉孝廉除錫令東宮洗馬召不就周長子熙熙

子秀字元彦晉陽秋曰秀性清靜不交於世知將大亂

郡府命及李雄盜蜀安車徵秀又雄叔父驥驥子壽辟

命皆不應常冠鹿皮躬耕田數永和三年安西將軍桓

溫平蜀表薦秀曰臣聞大朴既虧則高尚之標顯差喪

時昏則忠貞之義彰故有洗耳投淵以振玄龜之風亦

有秉心矯迹以博在三之節是以上代之君莫不崇重

斯軌所以篤俗訓民靜一流競伏惟大晉應多御世運

無常通時有屯蹇神州兵墟三方圯裂兇豎絕響於中

林白駒無聞於空谷斯有識之所悼心大雅之所歎息

者也陛下聖德嗣興方恢天緒臣昔奉役有事西土鯨

鯢既際思宣大化訪諸故老搜揚潛逸庶武羅於羿浞

之墟想王蠋於亡齊之境竊聞巴西譙秀植操貞固抱

德肥遁揚清渭波于時皇極邁道消之會羣黎踴躍顛沛

之艱中華有顧瞻之哀幽谷無遷喬之望凶命屢招姦

威仍偏身寄虎吻危同朝露而能抗節立誓不降辱

壯門絕跡不面偽庭進免龔勝亡身之禍退無薛方詭

對之譏雖園綺之棲商洛管寧之默遼海方之於秀始

無以過于今西土以為美談夫旌德禮賢化道之所先

崇表殊節聖哲之上務方今六合未康豺狼當路遺黎

偷薄義聲非聞益宜振起道義之徒以敦流遁之弊若

秀蒙蒲帛之徵足以鎮靜頽風軌訓鄙俗幽遐仰流九

服知化矣及蕭敬叛亂避難宕渠川中鄉人宗族馮依

者以百數秀年八十衆人以其篤老欲代之負擔秀拒

曰各有老弱當先營救吾氣力自足堪此不

以垂朽之年累諸君也後十餘年卒於家

郤正字令先河南偃師人也祖父儉靈帝末為益州刺

史為盜賊所殺會天下大亂故正父揖因留蜀揖為大

將軍孟達營都督隨達降魏為中書令史正本名纂少

以父死母嫁單榮隻立而安貧好學博覽墳籍弱冠能

屬文入為祕書吏轉為令史遷郎至今性澹於榮利而

允耽意文章自司馬王楊班傳張蔡之儔遺文篇賦及

四庫全書

當世美書善論益部有者則鑽鑿推求略皆寓目自在
內職與官人黃皓比屋周旋經三十年皓從微至貴操
弄威權正既不為皓所愛亦不為皓所憎是以官不過
六百石而免於憂患依則先儒假文見意號曰釋譏其
文繼於崔駰達旨其辭曰或有譏余者曰聞之前記夫
事與時竝名與功偕然則名之與事前哲之急務也是
故創制作範匪時不立流稱垂名匪功不記名必須功
而乃顯事亦俟時以行止身沒名滅君子所耻是以達
人研道探賾索微觀天運之符表考人事之盛衰辨者
馳說智者應機謀夫演略武士奮威雲合霧集風激電

飛量時揆宜用取世資小屈大申存公忽私雖尺枉而
尋直終揚光以發輝也今三方鼎峙九有未乂悠悠四
海嬰丁禍敗嗟道義之沈塞愍生民之顛沛此誠聖賢
拯救之秋烈士樹功之會也吾子以高朗之才珪璋之
質兼覽博關留心道術無遠不致無幽不悉挺身取命
幹茲奧祕躊躇紫闥喉舌是執九考不移有入無出尚書
曰三載考績三考黜陟究古今之真偽計時務之得失
雖時獻一策偶進一言釋彼官責慰此素殮固未能翰
竭忠款盡瀝胷肝排方入直惠彼黎元俾吾徒草鄙並
有聞焉也蓋亦綏衡緩轡回軌易塗輿安駕肆思焉斯

徂害厲劫以投濟要夷庚之赫撫播秋蘭以芳世副吾
徒之彼圖不亦盛與余聞而歎曰嗚呼有若云乎邪夫
人心不同實若其面子雖光麗旣美且豔管關篴舉守
厥所見未可以言八紘之形埒信萬事之精練也或人
率爾仰而揚衡曰是何言與是何言與余應之曰虞帝
以面從爲戒孔聖以悅已爲尤若子之言良我所思將
爲吾子論而釋之昔在鴻荒矇昧肇初三皇應錄五帝
承符爰暨夏商前典攸書姬衰道缺霸者翼扶廢氏慘
虐吞嚙八區於是從橫雲起徂詐如星竒邪蠢動智故
萌生或飾真以讎僞或挾邪以干榮或詭道以要上或
鬻技以自矜背正崇邪棄直就佞忠無定分義無常經
故鞅法窮而慝作斯義敗而姦成呂門大而宗滅韓辨
立而身刑夫何故孰利回其心寵耀其目赫赫龍章鏤
鑠車服媮幸苟得如反如仄淫邪荒迷恣睢自極和鸞
未調而身在轅側庭宇未踐而棟折椽覆天收其精地
縮其澤人弔其躬鬼芟其額初升高岡終隕幽壑朝含
榮潤夕爲枯魄是以賢人君子深圖遠慮畏彼咎戾趨
然高舉寧曳尾於塗中穢濁世之休譽彼豈輕主慢民
而忽於時務哉蓋易著行止之戒詩有靖恭之歎乃神
之聽之而道使之然也自我大漢應天順民政治之隆

皓若陽春俯憲坤典仰式乾文播皇澤以熙世揚茂化
之醲醇君臣履度各守厥真上垂詢納之弘下有匡救
之責士無虛華之寵民有一行之迹粲乎疊疊尚此忠
益然而道有隆窳物有興廢有聲有寂有光有翳朱陽
否於素秋玄陰抑於孟春羲和逝而望舒係運氣匿而
耀靈陳冲質不永桓靈墜敗英雄雲布豪傑蓋世家挾
殊議人懷異計故從橫者歛披其胷狙詐者暫吐其舌
也今天綱已綴德樹西鄰丕顯祖之宏規縻好爵於士
人與五教以訓俗豐九德以濟民肅明祀以禱祭幾皇
道以輔真雖跣者未一僞者未分聖人垂戒蓋均無貧

故君臣協美於朝黎庶欣戴於野動若重規靜若疊矩
濟濟偉彥元凱之倫也有過必知顏子之仁也侃根庶
政冉季之治也鷹揚鷲騰伊望之事也總羣俊之上略
含薛氏之三計敷張陳之祕策故力征以勤世援華英
而不違豈暇脩枯籜於榛穢哉然吾不才在朝累紀託
身所天心焉是恃樂滄海之廣深歎嵩嶽之高時聞仲
尼之贊商感鄉校之益已彼平仲之和羹亦進可而替
否故矇冒瞽說時有攸獻譬適人之有采於市閭游童
之吟詠乎疆畔庶以增廣福祥輸力規諫若其合也則
以聞協明進應靈符如其違也自我常分退守已愚進

退任數不矯不誣循性樂天夫何恨諸此其所以既入
不出有而若無者也狹屈氏之常醒濁漁父之必醉濁
柳季之卑辱褊夷叔之高懟合不以得違不以失得不
充拙失不慘悻不樂前以顧軒不就後以慮輕不粥譽
以干澤不辭愆以忌紕何責之釋何殮之卹何方之排
何直之入九考不移固其所執也方今朝士山積髦俊
成群猶鱗介之潛乎巨海毛羽之集乎鄧林游禽逝不
爲之眇浮魴臻不爲之殷且陽靈幽於唐葉陰精應爲
商時陽盱請而洪災息桑林禱而甘澤滋淮南子曰禹
於陽盱之河湯苦旱以身禱於桑林之際聖人之憂民
如此其明矣呂氏春秋曰昔日殷湯克夏桀而天下大旱

三年不收湯乃以身禱於桑林曰余一人有罪無及萬
方萬方有罪在余一人無以一人之不敏使上帝毀傷
民之六命湯於是剪其髮攬其爪自以爲犧牲用祈福於上帝民乃甚悅雨乃大至行止有道啓
塞有期我師遺訓不怨不尤委命恭已我又何辭辭窮
路畢將反初節綜墳典之流芳尋孔氏之遺藝綴微辭
以存道憲先軌而投制韙叔肱之優游美踈氏之遐逝
收止足以言歸汎浩然以容裔欣環堵以恬娛免咎悔
於斯世顧茲心之未泰懼末塗之泥滯仍求激而增憤
肆中懷以告誓昔九方考精於至貴秦牙沉思於殊形
淮南子曰秦穆公謂伯樂曰子之年長矣子姓有可使
求馬者乎對曰良馬者可以形容筋骨相也相天下之
馬者若滅若沒若失若亡其一若此馬者絕塵却轍臣
之子皆下才也可告以良馬而不可告以天下之馬天

下之馬臣有所與共僮纏采薪九方堙此其報馬非臣
得馬矣在於沙丘穆公見之使之求馬三月而反報曰已
取之牡而驪穆公不悅召伯樂而問之曰牝而黃使人往
使求馬者也毛物牝牡尚弗能知又何馬之能知伯樂
喟然太息曰一至此乎是乃所以千萬里臣而無數者
也若堙之所觀者天機也得其精而忘其寵在其內而
忘其外見其所見而不見其所不見視其所視而遺其
所不視若彼之所相者乃有貴乎馬者馬至而果天下
之馬也淮南子又曰伯樂寒風秦牙葛青所相各異其
知馬一也蓋九方觀 薛燭察寶以飛譽 越絕書曰昔越
其精秦牙察其形 薛燭察寶以飛譽 王勾踐有寶劍
五枚聞於天下客有能相劍者名薛燭王召而問之吾
有寶劍五請以示子乃取其豪曹巨闕薛燭曰皆非也
又取純鈎湛盧燭曰觀其劍鈔爛爛如列宿之行觀其
光渾渾如水之將溢於塘觀其文渙渙如水將釋此所
謂純鈎邪王曰是也王曰客有直之者有市之鄉三駿
馬千匹千戶之都一可乎薛燭曰不可當造此劍之時
赤堇之山破而出錫若邪之溪涸而出銅雨師掃麗雷
公擊鼓太一下觀天精下之歐冶乃因天之精悉其使

一曰純鈎二曰湛盧今赤堇之山已合若邪之溪深
而不測歐冶子已死雖頃城量金珠玉竭河獨不得此
一物有市之鄉三駿馬千匹 瓠梁託弦以流聲 淮南子
十戶之都二亦何足言與 瓠梁託弦以流聲 臣松
鼓瑟而鱗魚聽之又曰瓠梁之 齊隸拊髀以濟文 臣松
歌可隨也而以歌者不可為也 齊隸拊髀以濟文 臣松
按此謂孟嘗君田文下坐客能作鷄鳴以濟其楚客潛
厄者也凡作鷄鳴必先拊髀以發鷄之拊髀也楚客潛
寇以保荆 淮南子曰楚將子發好求技道之士臣偷也願
以技備一卒子發聞之衣不及帶冠不暇正出見而禮
之左右諫曰偷者天下之盜也何為禮之君曰此非左
右之所得與後無幾何齊與兵伐楚子發將師以當之
兵三却楚賢大夫皆盡其計而悉其誠齊師愈強於是
卒偷進請曰臣有薄技願為君行之君曰諾偷即夜出
解齊將軍之帳而獻之子發子發使人歸之日卒有出
探薪者得將軍之帳使歸於執事明日又復往取枕
子發又使歸之明日又復往取簪子 又使歸之八月
謂聞之大駭將軍與軍吏謀曰今日 雍門援琴而挾說
不去楚軍恐取吾頭矣即旋師而去

桓譚新論曰雍門周以琴見孟嘗君曰先生鼓琴亦能
令文悲乎對曰臣之所能令悲者先貴而後賤昔富而
今貧擯壓窮巷不交四鄰不若身材高妙懷質抱真逢
遠赴絕國無相見期不若幼無父母壯無妻兒出以野
澤為鄰入用堀次為家因於朝夕無所假貸若此人也
世間飛鳥之號秋風鳴條則傷心矣臣一為之援琴而
長太息未有不便惻而涕泣者也今若足下居則廣廈
高堂連闈洞房下羅帷來清風倡優在前詔諛侍側揚
敷楚舞鄭妾流聲以娛耳練色以淫日水戲則舳龍舟
建羽旗鼓鈞平不測之淵野游則登平原馳廣圍強弩
下高鳥勇士格猛獸置酒煨燂沈醉忘歸方此之時視
天地曾不若一指雖有善鼓琴未能動足下也孟嘗君
曰固然雍門周曰然臣竊為足下有所常悲夫角帝而
困秦者君也連五國而伐楚者又君也天下未嘗無事
不從即衡從成則楚王衡成則秦帝夫以秦楚之疆而
報弱薛猶磨蕪芥而伐朝菌也有識之士莫不為足下
寒心天道不常盛寒暑更進退于秋萬歲之後宗廟必
不血食高臺既已傾曲池又已平墳墓生荆棘狐狸穴
其中游兒戲擊躑躅其足而取其上曰孟嘗君之尊貴

亦猶若是乎於是孟嘗君喟然太息涕淚承睫而未下
雍門周引琴而鼓之徐動宮徵叩角羽終而成曲孟嘗
君遂歎欷而統之曰先生鼓琴令文立若三國之人也
韓哀乘轡而馳名呂氏春秋曰韓
哀作御王褒聖王得賢臣頌曰及至駕蹇膝參乘且王
良執轡韓哀附輿縱馳騁驚忽如景靡過都越國蹶如
歷塊追奔電逐遺風周流入極萬里一息何其遠哉人馬相得也
盧敖翱翔乎玄闕若
士竦身於雲清淮南子曰盧敖游乎北海經乎太陰入
而玄準戾頤而鳶肩豐上而殺下軒軒然方迎風而舞
顧見盧敖慢然下其臂趣逃乎碑下盧敖俯而視之方
卷囊鼓而食合梨盧敖乃與之語曰惟敖為背羣離黨
窮觀於六合之外者非敖而已乎敖幼而好游長不翕
與敖為交乎若士者蓋然而笑曰嘻乎子中州民寧肯
而遠至此此猶光乎日月而戴列星陰陽之所行四端
之所生此其比夫不名之地猶突奧也若我南遊乎罔
貝之野比息于沉墨之鄉西窮冥冥之黨東貫鴻濛之
光此其下無地而上無天聽焉無聞視焉則眴此其外

猶有沈沈之泥其餘一舉而千萬里吾猶未能之在今
 子游船至於此乃語窮觀豈不亦遠哉然子處矣吾與
 汗漫期於九垓之上吾不可以久若士舉臂而竦身遂
 入雲中盧敖仰而視之弗見乃止曰吾比夫子也猶黃
 鵠之與鵲終日行不離咫尺自以為為遠不亦悲哉
 余實不能齊技於數子故乃
 靜然守已而自寧景耀六年後主從譙周之讎遣使請
 降於鄧艾其書正所造也明年正月鍾會作亂成都後
 主東遷洛陽時擾攘倉卒蜀之大臣無翼從者惟正及
 殿中督汝南張通捨妻子單身隨侍後主賴正相導宜
 適舉動無關乃慨然歎息恨知正之晚時論嘉之賜爵
 關內侯泰始中除安陽令遷巴西太守泰始八年詔曰
 正昔在成都顛沛守義不違忠節及見受用盡心幹事

有治理之績其以正為巴西太守咸寧四年卒凡所著
 述詩論賦之屬垂百篇

評曰杜微脩身隱靜不役當世庶幾夷皓之槩周羣占
 天有徵杜瓊沈默慎密諸生之純也許孟來李博涉多
 聞尹默精於左氏雖不以德業為稱信皆一時之學士
 譙周詞理淵通為世碩儒有董楊之規卻正文辭粲爛
 有張蔡之風加其行止君子有取焉二子處晉事少在
 蜀事多故著于篇張璠以為譙周所陳降魏之策蓋素
 料劉禪懦弱心無害戾故得行也如
 遇忿肆之人雖無他筭然矜矜鄙恥或發怒妄誅以
 立一時之威快其斯須之意者此亦夷滅之禍云

蜀志卷十二終

公詳於式天部不

蜀志卷十三

晉陳壽撰

黃權

李恢

呂凱

馬忠

王平

張嶷

黃權字公衡巴西閬中人也少為郡吏州牧劉璋召為
主簿特別駕張松建議宜迎先主使伐張魯權諫曰左
將軍有驍名今請到欲以部曲遇之則不滿其心欲以

康熙二十五年重修

蜀志卷十三

序

賓客禮待則一國不容二君若客有泰山之安則主有
 累卵之危可但閉境以待河清璋不聽竟遣使迎先主
 出權為廣漢長及先主襲取益州將帥分下郡縣郡縣
 望風景附權閉城堅守須劉璋稽服乃詣降先主先主
 假權偏將軍徐衆評曰權既忠諫於主又閉城拒守得
 事君之禮武王下車封比干之墓表商容
 之間所以大顯忠賢之士而明示所貴之旨先主假權
 將軍善矣然猶薄少未足彰忠義之高節而大勸為善
 者之及曹公破張魯魯走入巴中權進曰若失漢中則
 三已不振此為割蜀之股臂也於是先主以權為護軍
 率諸將迎魯魯已還南鄭北降曹公然卒破杜獲朴胡
 殺夏侯淵據漢中皆權本謀也先主為漢中王猶領益

州牧以權為治中從事及稱尊號將東伐吳權諫曰吳
 人悍戰又水軍順流進易退難臣請為先驅以嘗寇陛
 下宜為後鎮先主不從以權為鎮北將軍督江北軍以
 防魏師先主自在江南及吳將軍陸議乘流斷圍南軍
 敗績先主引退而道隔絕權不得還故率將所領降于
 魏有司執法白收權妻子先主曰孤負黃權權不負孤
 也待之如初臣松之以為漢武用虛罔之言滅李陵之
 去縣魏遠矣詩云樂只君子
 保艾爾後其劉主之所請也魏文帝謂權曰君捨逆効
 順欲追蹤陳韓邪權對曰臣過受劉主殊遇降吳不可
 還蜀無路是以歸命且敗軍之將免死為幸何古人之

可慕也文帝善之拜為鎮南將軍封育陽侯加侍中使
之陪乘蜀降人或云誅權妻子權知其虛言未便發喪
漢魏春秋曰文帝詔命發喪權答曰臣與劉
葛推誠相信明臣本志疑惑未實請須後問後得審問
果如所言及先主薨問至魏羣臣咸賀而權獨否文帝
察權有局量欲試驚之左右詔權未至之間累催相屬
馬使奔馳交錯於道官屬侍從莫不碎魄而權舉止顏
色自若後領益州刺史徙占河南大將軍司馬宣王深
器之問權曰蜀中有卿輩幾人權答曰不置明公見顧
之重也宣王與諸葛亮書曰黃公衡快士也每坐起歎
述是下不去口實景初三年蜀延熙二年權遷車騎將

軍儀同三司

蜀記曰魏明帝問權天下歸立當以何地
為正權對曰當以天文為正往者必天感守

心而文皇帝崩吳蜀
二至平安此其徵也

明年卒謚曰景侯子邕嗣邕無子

絕權留蜀子崇為尚書郎隨衛將軍諸葛瞻拒鄧艾到
涪縣瞻盤桓未進崇屢勸瞻宜速行據險無令敵得入
平地瞻猶豫未納崇至于流涕會艾長驅而前瞻却戰
至縣竹崇帥厲軍士期於必死臨陣見殺

李恢字德昂建寧俞元人也任郡督郵姑夫爨習為建
伶令有違犯之事恢坐習免官太守董和以習方士大
姓寢而不許華陽國志曰習
後官至領軍後貢恢於州涉道未至聞
先主自葭萌還攻劉璋恢知璋之必敗先主必成乃託

名郡使北詣先主遇於縣竹先主嘉之從至維城遣恢
至漢中交好馬超超遂從命成都既定先主領益州牧
以恢為功曹書佐主簿後為亡虜所誣引恢謀反有司
執送先主明其不然更遷恢為別駕從事章武元年康
降都督鄧方卒先主問恢誰可代者恢對曰人之才能
各有長短故孔子曰其使人也器之且夫明主在上則
臣下盡情是以先零之役趙充國曰莫若老臣臣竊不
自揆惟陛下察之先主笑曰孤之本意亦已在卿矣遂
以恢為康降都督使持節領交州刺史往平夷縣臣松
之蜀人云康降地名去蜀二千餘里時未有寧州號先
為南中立此職以總攝之晉泰始中始分為寧州

主薨高定恣睢於越雋並闔跋扈於建寧朱褒反叛於
梓潼丞相亮南征先由越雋而恢案道向建寧諸縣太
相糾合圍恢軍於昆明時恢衆少敵倍又未得亮聲息給
謂南人曰官軍糧盡欲規退還吾中間久斥鄉里乃今
得旋不能復北欲還與汝等同計謀故以誠相告南人
信之故圍守怠緩於是恢出擊大破之追奔逐北南至
槃江東接梓潼與亮聲勢相連南土平定恢軍功居多
封漢興亭侯加安漢將軍後軍還南夷復叛殺害守將
恢身往撲討鉏蓋惡類徒其豪帥于成都賦出叟濮耕
牛戰馬金銀犀革充繼軍資于時費用不乏建興七年

以交州屬吳鮮恢刺史更領建寧太守以還居本郡徙
居漢中九年卒子遺嗣恢弟子球羽林右部督隨諸葛
瞻拒鄧艾臨陣授命死于蘇竹

呂凱字季平永昌不韋人也

孫盛蜀世譜曰初秦徙呂

武帝時開西南夷置郡縣徙

不韋子弟宗族於蜀漢漢

等聞先王薨於永安驕黠滋甚都護李嚴與聞書六紙

鮮喻利害聞但荅一紙曰蓋聞天無二日土無二王今

天下鼎立正朔有二是以遠人惶惑不知所歸也其桀

慢如此聞又降於吳吳遙署聞為永昌太守未昌既在

益州郡之西道路壅塞與蜀隔絕而郡太守改易凱與

府丞蜀郡王伉帥屬吏民閉境拒聞聞數移檄永昌稱

說云云凱荅檄曰天降喪亂奸雄乘釁天下切齒萬國

悲悼臣妾大小莫不思竭筋力肝腦塗地以除國難伏

惟將軍世受漢恩以為當躬聚黨眾率先啓行上以報

國家下不負先人書功竹帛遺名千載何期臣僕吳越

背本就末乎昔舜勤民事隕于蒼梧書籍嘉之流聲無

窮崩于江浦何足可悲文武受命成王乃平先帝龍興

海內望風宰臣聰睿自天降康而將軍不覩盛衰之紀

成敗之符譬如野火在原蹈履河冰火滅冰泮將何所

依附曩者將軍先君雍侯造怨而封竇融知興歸志世

祖皆流名後業世歌其美今諸葛丞相英才挺出深觀
未萌受遺託孤翊贊季興與衆無忌錄功忘瑕將軍若
能翻然改圖易跡更步古人不難追鄙土何足宰哉蓋
聞楚國不恭齊桓是責夫差僭號晉人不長况臣於非
主誰肯歸之邪竊惟古義臣無越境之交是以前後有
來無往重承告示發憤忘食故略陳所懷惟將軍察焉
凱威恩內著爲郡中所信故能全其節及丞相亮南征
言聞旣發在道而闔已爲高定部曲所殺亮至南上表
曰永昌郡吏呂凱府丞王伉等執忠絕域十有餘年雍
闓高定偏其東北而凱等守義不與交通臣不意永昌

風俗敦直乃爾以凱爲雲南太守封陽遷亭侯會爲

夷所害子祥嗣而王伉亦封亭侯爲永昌太守

蜀世書曰呂祥後爲晉南夷校尉祥子及孫世爲永昌太守李雄破寧州諸呂不肯附舉郡固守王伉等亦守正節

馬忠字德信巴西閬中人也少養外家姓狐名篤後乃

復姓改名忠爲郡吏建安末舉孝廉除漢昌長先主東

征敗績號亭巴西太守閬芝發諸縣兵五千人以補遺

闕遣忠送往先主已還永安見忠與語謂尚書令劉巴

曰雖云黃權復得狐篤此爲世不乏賢也建興元年丞

相亮開府以忠爲門下督二年亮入南拜忠梓潼太守

郡承朱褒反叛亂之後忠撫育郵理甚有威惠八年召

為丞相參軍副長史蔣琬署留府事又領州治中從事
明年亮出祁山忠詣亮所經營戎事軍還督將軍張嶷
等討汶山郡叛羌十一年南夷豪帥劉胄反擾亂諸郡
徵庾降都督張翼還以忠代翼忠遂斬胄平南土加忠
監軍奮威將軍封博陽亭侯初建寧郡殺太守正昂縛
太守張裔於吳故都督常駐平夷縣至忠乃移治味縣
處民夷之間又越雋郡亦久失土地忠率將太守張嶷
開復舊郡由此就加安南將軍進封彭鄉亭侯延熙五
年還朝因至漢中見大司馬蔣琬宣傳詔旨加拜鎮南
大將軍七年春大將軍費禕北禦魏敵留忠成都平尚

書事禕還忠乃歸南十二年卒子脩嗣

脩弟恢恢子義
晉建寧太守

忠為人寬濟有度量但詠嘯大笑忿怒不形於色然處
事能斷威恩並立是以蠻夷畏而愛之及卒莫不自致
喪庭流涕盡哀為之立廟祀迄今猶在張表時名士清
望踰忠聞宇宿有功幹於事精勤繼踵在忠後其威風
稱績皆不及忠

益部耆舊傳曰張表肅子也華陽國志
云表張松子朱詳聞宇字文平浦陽人也

王平字子均巴西宕渠人也木養外家何氏後復姓王
隨杜夔朴胡詣洛陽假校尉從曹公征漢中因降先主
拜牙門將裨將軍建興六年屬參軍馬謖先鋒謖舍水

北山舉措煩擾平連規諫謾謾不能用大敗於街亭衆
盡星散惟平所領千人鳴鼓自持魏將張郃疑其伏兵
不往偏也於是平徐徐收合諸營遺途率將士而還丞
相亮既誅馬謖及將軍張休李盛奪將軍黃襲等兵平
特見崇顯加拜參軍統五部兼當營事進位討寇將軍
封亭侯九年亮圍祁山平別守南圍魏大將軍司馬宣
王攻亮張郃攻平平堅守不動郃不能克十二年亮卒
於武功軍退還魏延作亂一戰而敗平之功也遷後典
軍安漢將軍副車騎將軍吳壹住漢中又領漢中太守
十五年進封安漢侯代壹督漢中延熙元年大將軍蔣
琬住沔陽平更爲前護軍署琬府事六年琬還住涪拜
平前監軍鎮北大將軍統漢中七年春魏大將軍曹爽
率步騎十餘萬向漢川前鋒已在駱谷時漢中守兵不
滿三萬諸將大驚或曰今力不足以拒敵聽當固守漢
樂二城遇賊今人比爾閒涪軍足得救關平曰不然漢
中去涪垂千里賊若得關便爲禍也今宜先遣劉護軍
杜參軍據興勢平爲後拒若賊分向黃金平率千人下
自臨之比爾閒涪軍行至此計之上也惟護軍劉敏與
平意同即便施行涪諸軍及大將軍費禕自成都相繼
而至魏軍退還如平本策是時鄧艾在東馬忠在南平

在北境咸著名迹平生長戎旅手不能書而所識不過十字而口授作書皆有意理使人讀史漢諸記傳

備知其大義往往論說不失其指遵履法度言不威詭

從朝至夕端坐徹日儘無武將之體然性狹侵疑為人

自輕以此為損焉十一年卒子訓嗣初平同郡漢昌句

句古扶忠勇寬厚數有戰功功名爵位亞平官至左將

軍封宕渠侯 華陽國志曰後張翼廖化並為大將

張疑字伯岐巴西郡南充國人也 益部耆舊傳曰疑出

之 弱冠為縣功曹先主定蜀之際山寇攻縣縣長捐家

逃亡疑冒白刃攜負夫人夫人得免由是顯名州石為

從事時郡內士人龔祿姚佃位二千石當世有聲名皆

與疑友善建興五年丞相亮北住漢中廣漢縣竹山賊

張慕等鈔盜軍資劫略吏民疑以都尉將兵討之疑度

其鳥散難以戰禽乃詐與和親克期置酒酒酣疑身率

左右因斬慕等五十餘級渠帥悉殄尋其餘類旬日清

泰後得疾病困篤家素貧置廣漢太守蜀郡何祗名為

通厚疑宿與踈闊乃自舉詣祗託以治疾祗傾財醫療

數年除愈其黨道信義皆此類也拜為牙門將屬焉忠

北討汶山叛羌南平四郡蠻夷輒有籌畫戰克之功

耆舊傳曰疑受兵馬二百人隨馬忠討叛羌疑別督數營在先至他里邑所在高峻疑隨山立上四五里羌

要厄傳石門於門上施牀積石於其上過者下石槌擊之無不糜爛嶷度不可得攻乃使譯告曉之曰汝汝山諸種反叛傷害良善天子命將討滅惡類汝等若稽顙過軍資給糧費福祿永隆其報百倍若終不從大兵致誅雷擊電下雖追悔之亦無益也耆帥得命即出詣嶷給糧過軍軍前討餘種餘種聞他里已下悉恐怖矢所或迎軍出降或奔竄山谷放兵攻擊軍以克捷後南夷劉胄又反以馬忠為督東降討胄嶷復屬焉戰鬪常冠軍首遂斬胄平南事訖犂犂復反忠令嶷領諸營往討嶷內招降得二千人悉傳詣漢中十四年武都氏王符健請降遣將軍張討往迎過期不到大將軍蔣琬深以為念嶷平之曰符健求附款至必無他變素聞健弟狡黠又夷狄不能同功將有乖離是以稽留耳數日問至健弟果將四百戶就魏獨健來從初越嵩郡自丞相亮討高定之後叟夷數反殺太守龔祿焦璜是後太守不敢之郡只在安定縣去郡八百餘里其郡徒有名而已時論欲復舊郡除嶷為越嵩太守嶷將所領往之郡誘以恩信蠻夷皆服頗來降附比徼捉馬最驍勁不承節度嶷乃往討生縛其帥魏狼又解縱告諭使招懷餘類表拜狼為邑侯種落三千餘戶皆安土供職諸種聞之多漸降服嶷以功賜爵關內侯蘇祁邑君冬逢逢弟隗渠等已降復反嶷誅逢逢妻旄牛王女疑以計原之而渠逃入西徼渠剛猛捷捍為諸種深所畏憚遣所親二人詐降嶷實取消息嶷覺之許以重賞使為反間二人遂合謀殺渠渠死諸種皆安又斯都者

帥李求承昔手殺龔祿疑求募捕得數其宿惡而誅之始疑以郡郛宇頽壞更築小塢在宮二年徙還故郡繕治城郭夷種男女莫不致力定祚臺登卑水三縣去郡三百餘里舊出鹽鐵及漆而夷徼久自固食疑率所領奪取署長吏焉疑之到定祚定祚率豪狠岑槃木王舅甚爲蠻夷所信任忿疑自侵不自來詣疑使壯士數十直往收致捷而殺之持尸還種厚加賞賜喻以狠岑之惡且曰無得妄動動即殄矣種類咸面縛謝過疑殺牛饗宴重申恩信遂獲鹽鐵器用周_漢嘉郡界旄牛夷種類四千餘戶其率狠路欲爲姑壻冬逢報怨遣叔父

離將逢衆相度形勢疑逆遣親近齋牛酒勞賜又令離姊逆逢妻宜暢意旨離既受賜并見其姊姊弟歡悅悉率所領將詣疑疑厚加賞待遣還旄牛由是輒不爲患郡有舊道經旄牛中至成都既平且近自旄牛絕道已百餘年更由安上旣險且遠疑遣左右齋貨幣賜路重令路姑喻意路乃率兄弟妻子悉詣疑疑與盟誓開通舊道千里肅清復古亭驛奏封路爲旄牛响毗王遣使將路朝貢後主於是加疑撫戎將軍領郡如故疑初見費禕爲大將軍恣性汎愛待信新附太適疑書戒之曰昔岑彭率師來歙杖節咸見害於刺客今明將軍位尊

權重宜鑒前事少以為警後律果為魏降人郭脩所害
吳太傅諸葛恪以初破魏軍大興兵眾以圖攻取侍中
諸葛瞻丞相亮之子恪從弟也嶷與書曰東主初崩帝
實幼弱太傅受寄託之重亦何容易親以周公之才猶
有管蔡流言之變霍光受任亦有燕蓋上官逆亂之謀
賴成昭之明以免斯難耳昔每聞東主殺生賞罰不乖
下人又今以垂沒之命卒召太傅屬以後事誠實可
慮加吳楚剽急乃昔所記而太傅離少主履齧庭恐
非良計長筭之術也雖云一家綱紀肅然上下輯睦
百有一失非明者之處邪一古則今今則古也自非

則君進忠言於太傅誰復有盡言者也旋軍廣農務在
德惠數年之中東西並舉實為不晚願深採察恪竟以
此夷族嶷識見多如是類在郡十五年邦域安穆屢乞
求還乃徵詣成都夷民戀慕扶輿泣涕過旄牛邑邑君
襁負來迎及追尋至蜀郡界其皆督率隨嶷朝貢者百
餘人嶷至拜盪寇將軍慷慨壯烈士人咸多貴之然故
蕩少禮人亦以此譏焉益部耆舊傳曰時車騎將軍夏
託心如舊且明此意嶷答曰僕未知子子未知我大道
在彼何云託心平願三年之後徐陳斯言有識之士
為美是歲延熙十七年也魏狄道長李簡密書請降衛
將軍姜維率嶷等因簡之資以出隴西益部耆舊傳曰
嶷風濕固疾至

都寢篤扶杖然後能起李簡請降衆議亦疑而疑曰必
然姜維之出時論以疑初還股疾不能在行中由是疑
自乞肆力中原致身敵庭臨發辭後主曰臣當值聖明
受恩過量加以疾病在身常恐一朝墮沒辜負榮遇天
不違願得豫或事若涼州克定臣爲藩表守將若有未捷殺身以報後主慨然爲之流涕既到狄道
簡悉率城中吏民出迎軍軍前與魏將徐質交鋒疑臨
陣墮身然其所殺傷亦過倍既亡封長子瑛西鄉侯次
子護雒襲爵南土越嶲夷聞疑死無不悲泣爲疑立
廟四時水旱輒祀之益部耆舊傳曰余觀張疑儀貌辭令
不能駭人而其策略足以入筭果烈
足立威爲臣有忠誠之節處類有亮直之風而動必
顯典後主深崇之雖古之英士何以遠論哉蜀世譜曰
疑孫奕晉
梁州刺史

評曰黃權弘雅思量于恢公亮志業呂凱守節不回馬

忠擾而能教尚書曰擾而教鄭玄注王平忠勇而嚴整

張疑識斷明果咸以所長顯名發迹遇其時也

卷之三十三

Blank columns with faint vertical lines, likely bleed-through from the reverse side of the page.

蜀志卷十四

晉陳壽撰

蔣琬子清姑高費禕姜維

蔣琬字公琰零陵湘鄉人也弱冠與外弟泉陵劉敏俱知名琬以州書佐隨先王入蜀除廣都長先王嘗因游觀奄至廣都見琬衆事不理時又沈醉先王大怒將加罪戮軍師將軍諸葛亮請曰蔣琬社稷之器非百里之

康...二十五年重修

才也其爲政以安民爲本不以脩飾爲先願主公重加
察之先主雅敬亮乃不加罪倉卒但免官而已琬見推
之後夜夢有一牛頭在門前流血滂沱意甚惡之呼問
占夢趙直直曰夫見血者事分明也牛角及鼻公字之
象君位必當至公大吉之徵也頃之爲什邡令先主爲
漢中王琬入爲尚書郎建興元年丞相亮開府辟琬爲
東曹掾舉茂才琬固讓劉邕陰化龐延廖淳亮教答曰
思惟背親捨德以殄百姓衆人旣不隱於心實又使遠
近不解其義是以君宜顯其功舉以明此選之清重也
遷爲參軍五年亮任漢中琬與長史張裔統留府事八

年代裔爲長史加撫軍將軍亮數外出琬常足食足兵
以相供給亮每言公琬託志忠雅當與吾共贊王業者
也密表後主曰臣若不幸後事宜以付琬亮卒以琬爲
尚書令俄而加行都護假節領益州刺史遷大將軍錄
尚書事封安陽亭侯時新喪元帥遠近危悚琬出類拔
萃處羣僚之右旣無威容又無喜色神守舉止有如平
日由是衆望漸服延熙元年詔琬曰寇難未弭曹叡驕
凶遼東三郡苦其暴虐遂相糾結與之離隔獻大興衆
役還相攻伐曩秦之二勝廣首難今有此變斯乃天時
君其治嚴摠帥諸軍也任漢中須吳舉動東西掎角以

乘其釁又命琬開府明年就加爲大司馬東曹掾揚戲
素性簡略琬與言論時不應答或欲搆戲於琬曰公與
戲語而不見應戲之慢上不亦甚乎琬曰人心不同各
如其面而從後言古人之所誠也戲欲贊吾是邪則非
其本心欲反吾言則顯吾之非是以默然是戲之快也
又督農楊敏曾毀琬曰作事憤憤誠非及前人或以白
琬王者請推治敏琬曰吾實不如前人無可推也王者
重據聽不推則乞問其憤憤之狀琬曰苟其不如則事
不當理事不當理則憤憤矣復何問邪後敏坐事繫獄
衆人猶懼其必死琬心無適莫得免重罪其好惡存道

皆此類也琬以爲昔諸葛亮數關秦川道險運艱竟不
能克不若乘水東下乃多作舟船欲由漢沔襲魏興上
庸會舊疾連動未時得行而衆論咸謂如不克捷還路
甚難非長策也於是遣尚書令費禕中監軍姜維等喻
指琬奉命上疏曰芟穢弭難臣職是掌自臣奉辭漢中
已經六年臣旣闇弱加嬰疾疢規方無成夙夜憂慘今
魏跨帶九州根蒂滋蔓平除未易若東西并力首尾掎
角雖未能速得如志且當分裂蠶食先摧其枝黨然吳
期二三連不克果俯仰惟艱實忘寢食輒與費禕等議
以涼州胡塞之要進退有資賊之所惜且羌胡乃心思

漢如渴又昔偏軍入羌郭淮破走其長短以為事首
宜以姜維為涼州刺史若維征行銜持河右臣當帥軍
為維鎮繼今涪水陸四通惟急是應若東北有虞赴之
不難由是琬遂還住涪疾轉增劇至九年卒謚曰恭子
斌嗣為綏武將軍漢城護軍魏大將軍鍾會至漢城與
斌書曰巴蜀賢智文武之士多矣至於足下諸葛思遠
譬諸草木吾氣類也桑梓之敬古今所敦西到欲奉瞻
尊大君公侯墓當洒掃墳塋奉祠致敬願告其所在斌
荅書曰知惟臭味意眷之際雅託通流未拒來謂也二
考晉遺疾疾一於涪縣卜云其吉遂安厝之知君西

邁乃欲屈駕脩敬墳墓視子猶父顏子之仁也聞命感
愴以增情思會得斌書報嘉歎意義及至涪如其書云
後王既降鄧艾斌詣會於涪待以交友之禮隨會至成
都為亂兵所殺斌弟顯為太子僕會亦愛其才學與斌
同時死劉敏左護軍揚威將軍與鎮北大將軍王平俱
鎮漢中魏遣大將軍曹爽與二時議者或謂但可守城
不出拒敵必自引退敏以為男女布野農穀栖畝若聽
敵入則大事去矣遂帥所領與平據興勢多張旗幟彌
亘百餘里會大將軍費禕從成都至魏軍即退敏以功
封雲亭侯

費禕字文偉江夏鄆人也鄆音育少孤依族父伯仁伯仁
姑益州牧劉璋之母也璋遣使迎仁仁將禕遊學入蜀
會先王定蜀禕遂留益土與汝南許叔龍南郡董允齊
名時許靖喪子允與禕欲共會其葬所允白父和請車
和遣開後鹿車給之允有難載之色禕便從前先上及
至喪所諸葛亮及諸貴人悉集車乘甚鮮允猶神色未
泰而禕晏然自若持車人還和問之知其如此乃謂允
曰吾常疑汝於文偉優劣未別也而今而後吾意了矣
先王立太子禕與允俱為舍人遷庶子後王踐位為黃
門侍郎丞相亮南征還羣寮於數十里逢迎年位多在

禕右而亮特命禕同載由是眾人莫不易觀亮以初從
南歸以禕為昭信校尉使吳孫權性既滑稽嘲啁無方
諸葛恪羊衝等才博果辯論難鋒至禕辭順義篤據理
以荅終不能屈禕別傳曰孫權每別酌好酒以飲禕視其
難繫至禕輒辭以醉退而撰
夫所問事條荅無所遺失權甚器之謂禕曰君天下
淑德必當股肱蜀朝恐不能數來也禕別傳曰權乃以
手中常所執寶刀
贈之禕荅曰臣以不才何以堪明命然刀所以討不庭
禁暴亂者也但願大王勉建功業同獎漢室臣雖聞弱
終不負
東顧還遷為侍中亮北任漢中請禕為參軍以奉使
稱旨頻煩至吳建興八年轉為中護軍後又為司馬值
軍師魏延與長史楊儀相憎惡每至並坐爭論延或舉



乃擬儀儀泣涕橫集禕常入其坐間諫喻分別終亮之

世各盡延儀之用者禕匡救之力也亮卒禕為後軍師

頃之代蔣琬為尚書令禕別傳曰于時軍國多事公務煩猥禕識悟過人每省讀書記

舉目暫視已究其意旨其速數倍於人終亦不忘常以朝脯聽事其間接納賓客飲食嬉戲加之博奔每盡人之歡事亦不廢董允代禕為尚書令欲殺禕之所行每

非吾之所及也聽事終口猶有不暇尔琬自漢中還涪禕遷大將軍錄尚

書事延熙七年魏軍次于興勢假禕節率眾往禦之光

祿大夫來敏至禕許別求其圍基于時羽檄交馳人馬

擐甲嚴駕已訖禕與敏留意對戲色無厭倦敏曰向聊

觀試君耳君信可人必能辨賊者也禕至敵遂退封威

鄉侯殷基通語曰司馬懿誅曹爽禕設甲乙論平其是非甲以為曹爽兄弟凡品庸人苟以宗子枝屬得

家顧命之任而驕奢僭逸交非其人私樹朋黨謀以亂國懿奮誅討一朝殄盡此所以稱其任副士民之望也

此陰成疵瑕初無忠告侃爾之訓一朝屠戮議其不意豈大人經國篤本之事乎若爽信有謀主之心大逆已

構而發兵之日更以芳委爽兄弟懿父子從後問門舉兵變而向芳必無悉寧忠臣為君深慮之謂乎以此推

之爽無大惡明矣若懿以爽奢僭廢之刑之可也滅其尺日被以不義絕子丹血食及何晏子

魏之親甥亦與同戮為僭濫不當矣琬固讓州職禕

復領益州刺史禕當國功名略與琬比禕別傳曰禕性謙素家不積

財兒子皆令布衣素食出入不從車騎無異凡人十一年出任漢中自琬及禕

雖自身在外慶賞威刑皆遙先諮斷然後乃行其推任

如此後十四年夏還成都成都望氣者云都邑無宰相

位故冬復北屯漢壽延熙十五年命禕開府十六年歲首大會魏降人郭循在坐禕歡飲沈醉為循手刃所害

謚曰敬侯子丞嗣為黃門侍郎丞弟恭尚公主禕別傳曰恭為

尚書郎顯名禕長女配太子璿為妃

姜維字伯約天水冀人也少孤與母居好鄭氏學傳子曰維

為人好立功名養死士不脩布衣之業仕郡上計掾州郡為從事以父冏

昔為郡功曹值羌戎叛亂身衛郡將沒於戰場賜維官

中郎參本郡軍事建興六年丞相諸葛亮軍向祁山時

天水太守適出案行維及功曹梁緒主簿尹賞主記梁

虔等從行太守聞蜀軍垂至而諸縣響應疑維等皆有

異心於是夜亡保上邽維等覺太守去追遲至城門城

門已閉不納維等相率還冀冀亦不入維維等乃俱詣

諸葛亮會馬謖敗於街亭亮拔將西縣千餘家及維等

還故維遂與母相失魏略曰天水太守馬遵將維及諸

俗門案行會聞亮已到祁山准顧遵曰是欲不善遂驅

東還上邽遵念所治冀縣界乎西偏又恐吏民樂亂遂

亦隨准去時維請遵曰明府當還冀大遵謂維等曰卿諸

人回後信皆賊也各自行維亦無知遵何而家在冀遂

與郡吏上官子脩等還冀冀中吏民見維等大喜便令

見亮二人不獲已乃共詣亮亮見大愧未及遣還冀中

人會亮前鋒為張郃費繇等所破遂將維等却縮維不

得還遂入蜀諸軍攻冀皆得維母妻子亦以維本無去

意故不廢其家但繫保官亮辟維為倉曹掾加奉義將

軍封當陽亭侯時年二十七亮與留府長史張裔參軍

蔣琬書曰姜伯約忠勤時事思慮精密考其所有永南
季常諸人不如也其人涼州上士也又曰須先教中虎
步兵五六千人姜伯約甚敏於軍事既有膽義深解兵
意此人心存漢室而才兼於人畢教軍事當遣詣宮觀
見主上孫盛雜記曰初姜維詣亮與母相失復得母書
令求當歸維曰良田百頃不在一畝但有遠志
不在當歸也後遷中監軍征西將軍十二年亮卒維還成都
為右監軍輔漢將軍統諸軍進封平襄侯延熙元年隨
大將軍蔣琬往漢中琬既遷大司馬以維為司馬數率
偏軍西入六年遷鎮西大將軍領涼州刺史十年遷衛
將軍與大將軍費禕共錄尚書事是歲汶山平康夷反

維率眾討定之又出隴西南安金城界與魏大將軍郭
淮夏侯霸等戰於洮西胡王治無戴等舉部落降維將
還安處之十二年假維節復出西平不克而還維自以
練西方風俗兼負其才武欲誘諸羌胡以為羽翼謂自
隴以西可斷而有也每欲興軍大舉費禕常裁制不從
與其兵不過萬人漢晉春秋曰費禕謂維曰吾等不如
丞相亦已遠矣丞相猶不能定中夏
况吾等乎且不如保國治民敬守社稷如其功業以俟
能者無以為希冀微俸而決成敗於一舉若不如志悔
之無十六年春禕卒夏維率數萬人出石營經董亭圍
南安魏雍州刺史陳泰解圍至洛門維糧盡退還明年
加督中外軍事復出隴西守狄道狄道長李簡舉城降

進圍襄武與魏將徐質交鋒斬首破敵魏軍敗退維乘
勝多所降下拔河間狄道臨洮三縣民還後十八年後
與車騎將軍夏侯霸等俱出狄道大破魏雍州刺史王
經於洮西經衆死者數萬人經退保狄道城維圍之魏
征西將軍陳泰進兵解圍維却任鍾題十九年春就遷
維爲大將軍更整勦戎馬與鎮西大將軍胡濟期會上
邽濟失誓不至故維爲魏大將鄧艾所破於段谷星散
流離死者甚衆衆庶由是怨讟而隴已西亦騷動不寧
維謝過引負求自貶削爲後將軍行大將軍事二十年
魏征東大將軍諸葛誕反於淮南分關中兵東下維欲

乘虛向秦川復率數萬人出略谷徑至沈嶺時長城積
穀甚多而守兵乃少聞維方到衆皆惶懼魏大將軍司
馬望拒之鄧艾亦自隴右皆軍于長城維前任于水皆
倚山爲營望艾傍渭堅圍維數下挑戰望艾不應景耀
元年維聞誕破敗乃還成都復拜大將軍初先主留魏
延鎮漢中皆實兵諸圍以禦外敵敵若來攻使不得入
及興勢之役王平捍拒曹爽皆承此制維建議以爲錯
守諸圍雖合周易重門之義然適可禦敵不獲大利不
若使聞敵至諸圍皆斂兵聚穀退就漢樂二城使敵不
得入平且重關鎮守以捍之有事之日令游軍並進以

伺其虛敵攻關不克野無散穀千里縣糧自然疲乏引退之日然後諸城並出與游軍并力搏之此殄敵之術也於是令督漢中胡濟却任漢壽監軍王含守樂城護軍蔣斌守漢城又於西安建威武衛石門武城建昌臨遠皆立圍守五年維率衆出漢侯和為鄧艾所破還任沓中維本羈旅託國累年攻戰功績不立而宦官黃皓等弄權於內右大將軍閻宇與皓協比而皓陰欲廢維樹宇維亦疑之故自危懼不復還成都華陽國志曰維後主欲殺之後主曰皓趨走臣耳在董允切齒吾常恨之君何足介意維見皓枝附葉連懼於失言遂辭而出後主勅皓詣維陳謝維說六年維表後主聞鍾會治皓求沓中種麥以避內逼爾

兵關中欲規進取宜並遣張翼廖化督諸軍分護陽安關口陰平橋頭以防未然皓徵信鬼巫謂敵終不自致啓後主寢其事而羣臣不知及鍾會將向駱谷鄧艾將入沓中然後乃遣右車騎廖化詣沓中為維援左車騎張翼輔國大將軍董厥等詣陽安關口以為諸圍外助比至陰平聞魏將諸葛緒向建威故住待之月餘維為鄧艾所摧還任陰平鍾會攻圍漢樂二城遣別將進攻關口蔣舒開城出降傅僉格鬪而死漢晉春秋曰蔣舒僉曰今賊至不擊而閉城自守非良圖也僉曰受命保城惟全為功今違命出戰若喪師負國死無益矣舒曰子以保城獲全為功我以出戰克敵為功請各負其志遂率衆出僉謂其戰也至陰平以降胡烈乘虛襲城

命格關而死魏人義之蜀記曰蔣舒為武典督在事無稱蜀命人代之因留舒助漢中守舒恨故開城出降

會攻樂城不能克聞關口已下長驅而前翼厥甫至漢壽維化亦舍陰平而退適與翼厥合皆還保劔閣以拒會會與維書曰公侯以文武之德懷邁世之略功濟巴漢聲暢華夏遠近莫不歸名每惟疇昔嘗同大化吳札鄭有能喻斯好維不荅書列營守險會不能克糧運縣遠將議還歸而鄧艾自陰平由景谷道傍入遂破諸葛瞻於緜竹後主請降於艾艾前據成都維等初聞瞻破或聞後主欲固守成都或聞欲東入吳或聞欲南入建寧於是引軍由廣漢鄴道以塞虛實尋被後主勅令乃

捷戈放甲詣會於涪軍前將士咸怒拔刀斫石于寶晉

謂維曰來何遲也維正色流涕會厚待維等皆權還其

印號節蓋會與維出則同舉坐則同席謂長史杜預曰

以伯約比中士名士公休太初不能勝也世語曰時蜀

出維右會既構鄧艾艾檻車徵因將維等詣成都自稱

益州牧以叛漢晉春秋曰會陰懷異圖維見而知其心

謂可構成擾亂以圖克復也乃說會曰

聞君自淮南已來策無遺策晉道克昌皆君之力今復定蜀威德振世民高其功主畏其謀欲以此安歸乎夫韓信不肯漢於樓讓以見疑於既平大夫種不從范蠡於五湖李伏劍而妄死彼豈闇主愚臣哉利害使之然也今君大功既立大德已著何不法陶朱公泛舟絕迹全功保身登城媚之橫而從赤松游乎會曰君言遠矣我不能行且為今之道或未盡於此也維曰其他則君智力之所能無煩於老夫矣由是情好歡甚

志曰維教會誅比來諸將既死徐欲殺會盡坑魏兵遂復蜀祚密書與後主曰願陛下忍數日之辱臣欲使武復危而復安日月幽而復明孫盛晉陽秋曰盛以永和初從安西將軍平蜀見諸故老及姜維既降之後密與劉禪表疏說欲為服事鍾會因殺之以復蜀土會事不捷遂至泯滅蜀人于今傷之盛以為古人云非所困而困焉各必辱非所據而據焉身必危既辱且危死期將至其姜維之謂乎鄧艾之入江由士衆鮮少維進不能奮節縣竹之下退不能搃師五將擁衛蜀道思後圖之計而乃反覆於逆順之間希違情於難與之會以表弱之國而屢觀兵於三秦已滅之邦與理外之奇舉亦間哉臣松之以為盛之議維又為不當于時鍾會大衆既造劍閣與維諸將列營守險會不得進已議還計全蜀之功幾于立矣但鄧艾詭道傍入出於其後諸葛瞻既敗成都自潰維若回軍救內則會乘其背當時之勢焉得兩濟而責維不能奮節縣竹擁衛蜀主非其理也會欲盡坑魏將以舉大車授維重兵使為前驅若令魏將皆死兵事在維手殺會復蜀不為難也夫功成理外然後為奇不可以事有差牙而抑謂不難也欲授維設使四障之計遲遲不復可謂之愚聞議

兵五萬人使為前驅魏將士憤發殺會及維維妻子皆

伏誅世語曰維死時郤正著論論維曰姜伯約據上將

之重處群臣之右宅舍弊薄資財無餘側室無妾媵之

褻後庭無聲樂之娛衣服取供輿馬取備飲食節制不

奢不約官給費用隨手消盡察其所以然者非以激貪

厲濁抑情自割也直謂如是為足不在多求凡人之談

常譽成毀敗扶高抑下咸以姜維投厝無所身死宗滅

以是貶削不復料擿異乎春秋褒貶之義矣如姜維之

樂學不倦清素節約自一時之儀表也孫盛曰異哉郤氏之論也夫士

雖百行操業萬殊至於忠孝義節首行之冠冕也姜維策名魏室而外奔蜀朝違君徇利不可謂忠捐親苟免

不可謂孝害加舊邦不可謂義敗不死難不可謂節且
德政未敷而波民以逞居禦侮之任而致敵喪守於夫
智勇莫可云也凡斯六者維無一焉實有魏之遺臣亡
國之亂相而云人之儀表斯亦惑矣縱維好書而微自
藻藜豈異夫盜者分財之義而程鄭降階之善也臣
松之以爲郤正此論取其可稱不謂維始終行事皆可
準則也庚云一時儀表止在好學與儉素耳本傳及魏
略皆云維本無叛心以急逼歸蜀盛相議貶惟可責其
背毋餘既過苦又維昔所俱至蜀梁緒官至大鴻臚尹
非所以難郤正也

賞執金吾梁虔大長秋皆先蜀亡沒
評曰蔣琬方整有威重費禕寬濟而博愛咸承諸葛之
成規因循而不革是以邊境無虞邦家和一然猶未盡
治小之宜居靜之理也臣松之以爲蔣費爲相克遵畫
一未嘗徇功妄動有所虧喪外
却駱谷之師內保寧緝之實治小之宜居靜之理何以
過於此哉今議其未盡而不著其事故使覽者不知所

也謂

姜維粗有文武志立功名而翫衆黷旅明斷不周終致
隕斃老子有云治大國者猶烹小鮮况於區區蕞爾而

可屢擾乎哉于寶曰姜維爲蜀相國亡主辱弗之死而
死於鍾會之亂惜哉非死之難處死之難

也是以古之烈士見危授命投節如歸非不
愛死也固知命之不長而懼不得其所也

蜀志卷十四終

蜀志卷十五

晉陳壽撰

鄧芝

張翼

宗預

廖元

楊戲

王嗣

鄧芝字伯苗義陽新野人漢司徒禹之後也漢末入蜀
未見知待時益州從事張裕善相芝往從之裕謂芝曰
君年過七十位至大將軍封侯芝聞巴西太守龐羲好
士往依焉先主定益州芝為郫縣閣督先主出至郫與

康熙二十五年重修

蜀志卷十五

七

語大奇之擢爲郫令遷廣漢大守所在清嚴有治績入
爲尚書先主薨於永安先是吳王孫權請和先主累遣
宋璋費禕等與相報答丞相諸葛亮深慮權聞先主殂
隕恐有異計未知所如芝見亮曰今主上幼弱初在位
宜遣大使重申吳好亮答之曰吾思之久矣未得其人
耳今日始得之芝問其人爲誰亮曰即使君也乃遣芝
修好於權權果狐疑不時見芝芝乃自表請見權曰臣
今來亦欲爲吳非但爲蜀也權乃見之語芝曰孤誠願
與蜀和親然恐蜀主幼弱國小勢偏爲魏所乘不自保
全以此猶豫耳芝對曰吳蜀二國四州之地大王命世
之英諸葛亮亦一時之傑也蜀有重險之固吳有三江
之阻合此二長共爲唇齒進可并兼天下退可鼎足而
立此理之自然也大王今若委質於魏魏必上望大王
之人朝下求太子之內侍若不從命則奉辭伐叛蜀必
順流見可而進如此江南之地非復大王之有也權然
然良久曰君言是也遂自絕魏與蜀連和遣張溫報聘
於蜀蜀復命芝重往權謂芝曰若天下太平二王分治
不亦樂乎芝對曰夫天無二日土無二王如并魏之後
大王未深識天命者也君各茂其德臣各盡其忠將提
枹鼓則戰爭方始耳權大笑曰君之誠款乃當爾邪

與亮書曰丁太

按

張音夷念反或作監臣於之案

思蜀都賦搗瀾按天庭孫權蓋謂了公之言多浮語也

陰化不盡和合二國唯

鄧芝及亮北在漢中以芝為中監軍揚武將軍亮卒遷

前軍師前將軍領兗州刺史封陽武亭侯頃之為督江

州權數與芝相聞饋遺優渥延熹六年就遷為車騎將

軍後假節十一年涪陵國人殺都尉反叛芝率軍征討

即梟其渠帥百姓安堵

華陽國志曰芝征涪陵見支

猿拔其箭卷木葉塞其創芝曰嘻吾違物之性其將死矣

為援箭以木葉塞創芝乃歎息投弩水中自知當死

十四年卒芝為大將軍二十

餘年賞罰明斷善郵卒伍身之衣食資仰於官不苟素

儉然終不治私產妻子不免饑寒死之日家無餘財性

剛簡不飾意氣不得士類之和於時人少所敬貴准器

異姜維云子良襲爵景耀中為尚書左選郎晉朝廣漢

太守

張翼字伯恭犍為武陽人也高祖父司空浩曾祖父廣

陵太守綱皆有名迹

益州耆舊傳曰浩字叔明自侍春

郗蜀郡張霸其結為友善大將軍鄧騭時有遷尚書

僕射出為彭城相薦隱士周丘邈等徵拜廷尉延光三

年安帝議廢太子雅浩與太常桓焉太僕來歷議以為

不可順帝初立拜浩司空年八十二卒續漢書曰綱字

文紀少以三公子經明行脩舉孝廉不就司徒辟以高

第為侍御史漢安元年拜光祿大夫與侍中杜喬等人

人同日受詔持節分出案行天下貪廉墨殺有罪便與

刺使二子石以驛表聞威惠清忠名振郡國號曰人雋

是時大將軍梁興侵擾百姓喬等七人皆奉命四出唯
綱獨埋車輪於洛陽都亭不去曰豺狼當路安問狐兔
遂上書曰大將軍梁興河南尹不疑蒙外戚之援有國
厚恩以爲芻蕘之姿安居何保不能敷揚五教翼贊日月
而專爲封豕長蛇肆其貪婪甘心好貨縱恣無厭多樹
詭譎以害忠良誠天威所不赦大辟所宜加也謹條其
無君之心十五事於左皆忠臣之所切齒也書奏御京
師震悚時興妹爲皇后內寵方盛興兄弟皆重於人主
順帝雖知綱言不誣然無心治興興深恨綱會廣陵賊
張嬰等衆數萬人殺刺史二十石興欲陷綱乃調尚書
以綱爲廣陵太守若不爲嬰所殺則欲以法中之前太
守往輒多請兵及綱受拜詔問當得兵馬幾何綱對曰
無用兵馬遂單車之官徑詣嬰壘門示以禍福嬰大驚
懼走欲閉門綱又於門外罷遣吏兵留所親者十餘人
以書語其長老素爲嬰所信者請與相見問以本變因
示以詔恩使還請嬰嬰見綱意誠即出見綱綱延置上
坐問其疾苦禮畢乃謂之曰前後二十石多非其人杜
塞國恩肆其私求鄉郡遠天子不能朝夕聞也故民人
相聚以避害二十石信有罪矣爲之者乃非義也忠臣
不敢君以自榮孝子不捐父以家一福天子聖人欲文德

以來之故使太守來思以爵祿相樂不願以刑也今誠
轉禍爲福之時也若聞義不服天子赫然發怒大兵雲
合豈不危乎宜深計其利害嬰聞泣曰荒裔愚人數爲
二千石所侵枉不堪其困故遂相聚偷生明府仁及草
木乃嬰等更生之澤但恐投兵之日不免孥戮耳綱曰
豈其然乎要之以天地誓之以日月方當相頭以爵位
何禍之有乎嬰曰苟赦其罪得全首領以就農畝則抱
戴沒齒爵祿非所望也嬰雖爲大賊起於狂暴自以爲
必死及得綱言曠然開明乃辭還營明日遂將所部萬
餘人與妻子面縛詣綱降綱悉釋縛慰納謂嬰曰卿諸
人一日解散方垂盪然當條名上之必受封賞嬰曰乞
歸故業不願以微名汗明時也綱以其至誠乃各從其
意親爲安處居宅子弟欲爲吏者隨才任職欲爲民者
勸以農桑出業並豐南州晏然論功綱當封爲興所過
絕故不得候天子美其功徵欲用之嬰等上書乞留在
郡一歲建康元年病卒官時年三十六嬰等三百餘人
皆衰杖送綱喪至雒陽葬訖爲起冢立祠四時奉祭思
慕如喪考妣天子追念不已下詔褒揚除一子爲郎
先王定益州領教翼爲書佐建安末舉孝廉爲江陽長

徙涪陵令遷梓潼太守累遷至廣漢蜀郡太守建興九年為庾亮都督綏南中郎將翼性持法嚴不得殊俗之歡心者率劉胄背叛作亂翼舉兵討胄胄未破會被徵當還羣下咸以為宜便馳騎即罪翼曰不然吾以蠻夷蠢動不稱職故還耳然代人未至吾方臨戰場當運糧積穀為滅賊之資豈可以黜退之故而廢公家之務乎於是統攝不懈代到乃發馬忠因其成基以破殄胄丞相亮聞而善之亮出武功以翼為前軍都督領扶風太守亮卒拜前領軍追論討劉胄功賜爵關內侯延熙元年入為尚書稍遷督建威假節進封都亭侯征西大將

軍十八年與衛將軍姜維俱還成都維議復出軍唯翼庭爭以為國小民勞不宜黷武維不聽將翼等行進翼位鎮南大將軍維至狄道大破魏雍州刺史王經經衆死於洮水者以萬計翼曰可止矣不宜復進進或毀此大功維大怒曰為蛇畫足維竟圍經於狄道城不能克自翼建異論維心與翼不善然常率率同行翼亦不得已而往景耀二年遷左車騎將軍領冀州刺史六年與維咸在劔閣共詣降鍾會于涪明年正月隨會至成都為亂兵所殺華陽國志曰翼子微篤志好學官至廣漢太守宗預字德豔南陽安衆人也建安中隨張飛入蜀建興

初丞相亮以為王簿遷參軍右中郎將及亮卒吳慮魏
或承表取蜀增巴丘守兵萬人一欲以為救援二欲以
事分割也蜀聞之亦益永安之守以防非常預將命使
吳孫權問預曰東之與西譬猶一家而聞西更增白帝
之守何也預對曰臣以為東益巴丘之戍西增白帝之
守皆事勢宜然俱不足以相問也權大笑嘉其抗直甚
愛待之見敬亞於鄧芝費禕遷為侍中徙尚書延熙十
年為屯騎校尉時車騎將軍鄧芝自江州還來朝謂預
曰禮六十不服戎而卿甫受兵何也預荅曰卿七十不
還兵我六十何為不受邪臣松之以為芝以年問預是
不自顧然預之此荅觸人所

忌載之記牒
近為煩文

芝性驕傲自大將軍費禕等皆避下之而

預獨不為屈預復東聘吳孫權捉預手滂泣而別曰君
每銜命結二國之好今君年長孤亦衰老恐不復相見

遺預大珠一斛

吳歷曰預臨別謂孫權曰蜀土僻小雖
云鄰國東西相類吳不可無蜀蜀不可

無吳若臣憑恃唯陛下重垂神慮又自說年老多病恐
不復得奉聖顏孫盛曰夫帝王之保唯道與義道義
既建雖小可大殷周是也苟在詐力雖疆必敗秦項是
也况乎居偏鄙之城恃山水之固而欲連橫萬里丞相
資賴哉昔九國建合從之計而秦人卒併六合置連營
輔車之謀而光武終兼隴蜀夫以九國之疆隴漢之大
莫能相救坐觀屠覆何者道德之基不固而疆弱之心
難一故也而云吳不可無蜀蜀不可無吳豈不謬哉

乃還遷後將軍督永安就拜征西大將軍賜爵關內侯
景耀元年以疾徵還成都後為鎮軍大將軍領兖州刺

史時都護諸葛瞻初統朝事廖化過預欲與預共詣瞻許預曰吾等年踰七十所竊已過但少一死耳何求於年少輩而屑屑造門邪遂不往廖化字元儉本名淳襄陽人也為前將軍關羽主簿羽敗屬吳思歸先主乃詐死時人謂為信然因攜持老母晝夜西行會先主東征遇於秭歸先主大悅以化為宜都太守先主薨為丞相參軍後為督廣武稍遷至右車騎將軍假節領并州刺史封中鄉侯以果烈稱官位與張翼齊而在宗預之右

漢晉春秋曰景耀五年姜維率衆出狄道廖化曰兵不戰必自焚伯約之謂也知不出敵而力少於寇用之無狀何以能立詩云不自我威震元年春化預俱內徙洛先不自我後今日之事也

陽道病卒

楊戲字文然犍為武陽人也少與巴西程祁公弘巴郡楊汰李儒蜀郡張表伯達並知名戲每推祁以為冠首丞相亮深識之戲年二十餘從州書佐為督軍從事職典刑獄論法決疑號為平當府辟為屬主簿亮卒為尚書右選部郎刺史蔣琬請為治中從事史琬以大將軍開府又辟為東曹掾遷南中郎參軍副貳康降都督領建寧太守以疾徵還成都拜護軍監軍出領梓潼太守入為射聲校尉所在清約不煩延熙二十年隨大將軍姜維出軍至白水戲素心不服維酒後言笑每有傲弄

之辭維外寬內忌竟不能堪世軍還有司承旨奏戲免為
度人後景耀四年卒戲性雖簡情省略未嘗以甘言加
入過情接物書符指事希有盈紙然篤於舊故居誠存
厚與巴西韓儼黎翰童幼相親厚後儼痼疾廢頓翰無
行見捐戲經紀振歸恩好如初又時人謂譙周無當世
才少歸敬者唯戲重之嘗稱曰吾等後世終自不如此
長兒也有識以此貴戲表有威儀風觀始名位與戲
齊後至尚書督庾降後將軍先戲沒祁汰各早死戲同
進有李密者字令伯華陽國志曰密祖父光朱提太守
父早亡母何氏更適人密見養於祖母治春秋左氏傳
博覽多所通涉機警辨捷事祖母以孝聞其侍疾則泣
涕側息日夜不解帶膳飲湯藥必自口嘗本郡禮命不

應州辭從事尚書郎大將軍王簿太子洗馬奉使聘吳
吳王問蜀馬多少對曰官用有餘人間自足吳王與羣
臣泥論道義謂寧為人第密曰願為人兒矣吳王曰何
以為兄密曰為兄供養之曰長吳王及羣臣皆稱善蜀
平後征西將軍鄧艾聞其名請為王簿及書招欲與相
見皆不往以祖母年老心在色養晉武帝立太子以陰
太子洗馬詔書累下郡縣備遣於是密上書曰臣以陰
賈夙遭閔凶主孤弱見撫養少多病九歲不行零
祖母劉慙臣孤弱躬見撫養少多病九歲不行零
丁孤苦至於成立既無伯叔終無兄弟門衰祚薄晚有
兒具外無暮功強近之親內無應門五尺之童乳乳子
立形影相弔而劉早嬰疾病常在牀蓐臣侍湯藥未嘗
廢離遠奉聖朝沐浴清化前太守臣逵察臣孝廉後劉
史臣等舉臣秀才臣以供養無主辭不赴命詔書將下
拜臣郎中尋蒙國恩除臣洗馬猥以微賤當侍東宮非
臣曠首所能上報臣具表聞辭不就職詔書切峻責臣
通慢郡縣備迫催臣上道州司隸門急於星火臣欲奉
詔奔馳則劉病日篤苟順私情則告訢不許臣之進退
實為狼狽伏惟聖朝以孝治天下凡在故老猶蒙矜愍
况臣孤苦特為尤甚且臣少仕儂朝歷職郎署本圖官

達不矜名節令臣亡國賤傳至微至陋猥蒙拔擢寵命優渥豈敢譽桓有所希冀但以劉日薄西山氣息奄奄人命危淺朝不慮夕臣無祖母無以至今日祖母無臣亦無以終餘年母孫二人更相為命是以區區不敢廢遠臣今年四十有四祖母劉今年九十有六是臣盡節於陛下之日長報養劉之日短也烏鳥私情願乞終養臣之辛苦非徒蜀之人士及二州牧伯所見明知皇天后天實所共鑒願陛下矜愍愚誠聽臣微言庶劉氏保卒餘年臣生當隕首死當結草臣不勝犬馬怖懼之情武帝覽表曰密不空有名也嘉其誠款賜奴婢二人下郡縣供養其祖母奉膳及祖母卒服終從尚書郎為河內溫縣令以嚴明中山諸王每過溫縣必責求使給溫吏民患之及密至中山王過縣欲求芻蕘蒸蒸密歲引高祖過沛賓禮老幼桑梓之供一無煩擾伏惟明王孝思惟則動識先戒本國望風式歌且舞誅求之碎所未聞命自後諸王過不敢有煩隴西王司馬子舒深敬友密而貴勢之家憚其公道直密去官為州大中正性方直不曲意勢位後失荀勗張華指左遷漢中太守諸王多以為寬一年去官年六十西卒著述地理論十篇安東將軍胡燕與皇甫士安並善之戲以延康

四年著季漢輔臣贊其所頌述今多載于蜀書是戲記之於左自此之後卒者則不追謚故或有應見稱紀而不在乎篇者也其戲之所贊而今不作傳者余皆注疏本末於其辭下可以粗知其髣髴云爾昔文王歌德武王歌興夫命世之主樹身行道非唯一時亦由開基植緒光于來世者也自我中漢之末王綱棄柄雄豪並起後殷難結生人塗地於是世主感而慮之初自燕代則仁聲洽著行自齊魯則英風播流寄業荆郢則臣王歸心顧援吳越則賢愚賴風奮威巴蜀則萬里肅震厲師庸漢則元寇斂迹故能承高祖之始兆復皇漢之宗祀也

然而姦凶懟險天征未加猶孟津之翔師復須戰於鳴
條也天祿有終奄忽不豫雖攝歸一統萬國合從者當
時雋又扶携翼戴明德之所懷致也蓋濟濟有可觀焉
遂乃並述休風動于後聽其辭曰
皇帝遺植爰滋八方別自中山靈精是鍾順期挺生傑
起龍驤始于燕代伯豫君荆吳越憑賴望風請盟挾巴
跨蜀庸漢以并乾坤復秩宗祀惟寧躡基履迹播德芳
聲華夏思美西伯其音開慶來世歷載攸興

贊昭烈皇帝

忠武英高獻策江濱攀吳連蜀權我世真受遺可衡整

武齊文敷陳德教理物移風賢愚競心僉忘其身誕靜
邦內四裔以綏屢臨敵庭實耀其威研精大國恨於未
夷

贊諸葛丞相

司徒清風是咨是臧識愛人倫孔音鏘鏘

贊許司徒

關張赴赴出身匡世扶翼擣上雄壯虎烈藩屏左右翻
飛電發濟于艱難贊王洪業侔迹韓耿齊聲雙德交待
無禮並致姦惡悼惟輕慮隕身匡國

贊關雲長張益德

驃騎奮起連橫合從首事二秦保據河壺宗計於朝或
異或同敵以乘釁家破軍亡乖道反德託鳳攀龍

贊馬孟起

翼侯良謀料世興衰委質于主是訓是詒暫思經筭覩
事知機

贊法孝直

軍師美至雅氣曄曄致命明主忠情發臆惟此義宗亡
身報德

贊龐士元

將軍敦壯摧鋒登難立功立事于時之幹

贊黃漢升

掌軍清節亢然恒常讜言惟司民思其綱

贊董幼宰

安遠疆志允休允烈輕財果壯當難不惑以少禦多殊
方保業

贊鄧孔山

孔山名方南郡人也以荊州從事隨先
主入蜀蜀既定為犍為蜀國都尉因易
郡名為朱提太守選為安遠將軍庾亮降都督任南
昌縣章武二年卒失其行事故不為傳

揚威才幹欵欵文武當官理任衍衍辯舉圖殖財施有

義有叙

贊費賓伯

賓伯名觀江夏鄖人也劉璋母觀之族
姑璋又以女妻觀觀建安十八年卒

嚴軍拒先王於緜竹與嚴俱降先王既定益州拜
為裨將軍後為巴郡太守江州都督建興元年封
都亭侯加振威將軍觀為人善於交接都護李嚴
性自矜高護軍輔匡等年位與嚴相次而嚴不與
親襄觀年少嚴二十餘歲而與嚴通狎如
時輩云年三十七卒失其行事故不為傳

屯騎王舊固節不移既就初命盡心世規軍資所恃是
辨是裨

贊王文儀

尚書清尚勅行整身抗志存義味覽典文倚其高風好
侔古人

贊劉子初

安漢雍容或婚或寘見禮當時是謂循臣

贊麋子仲

少府修慎 王元泰名 謀漢嘉人也有容止操行劉璋時
領牧以為別駕先王為漢中王用荆楚宿士零陵賴恭
為太常南陽黃樞為光祿勳謀為少府建興初賜爵關
內侯後代賴恭為太常恭在謀皆失其行事故不為傳
恭子友為丞相西曹令史隨諸葛亮於漢中早天亮甚
惜之與留府長史參軍張裔將琬書曰 史失賴友掾
屬喪楊顯為朝中損益多矣顯亦荊州人也後大將軍
蔣琬問張休曰漢嘉前輩有王元泰今誰繼者休對曰
至於元泰州里無繼况鄙郡乎其見重如此 襄陽記
曰楊顯字子昭楊儀宗人也入蜀為巴郡太守丞相諸
葛亮主簿亮嘗自校簿書顯直入諫曰為治有體上下
不可相侵請為明公以作家譬之今有人使奴執耕稼
婢與炊爨雞豕司晨犬豕吠盜牛負重載馬涉遠路私
業無曠所求皆足雍容高枕飲食而已忽一旦盡欲以
身親其役不復付任勞其體力為此碎務形疲神困終
無一成豈其智之不如奴婢雜狗哉失為家主之法也
是故古人稱坐而論道謂之王公作而行之謂之士夫

夫故那吉不問橫道死人而憂牛喘陳平不肯知錢穀之數云自有王者彼誠達於位分之體也今明公爲海乃躬自校簿書流汗竟日不亦勞乎亮謝鴻臚明真何之後爲東曹屬典選舉願死亮垂泣三日
英名宗蜀郡郫人也事廣漢任安學精究安術與杜瓊同師而名問過之劉璋時爲提督太守先主定益州領牧辟爲從事祭酒後援引圖讖勸先主卽尊號踐阼之後遷爲大鴻臚是與中卒失其行事故不爲傳子雙字漢偶滑稽談笑有淳于棼東諫議隱行儒林天文宣班方朔之風爲雙栢長早卒

大化或首或林
贊王元泰何彥英杜輔國周仲宣

車騎高勁惟其泛愛以弱制強不陷危墜

贊吳子遠

子遠名壹陳留人也隨劉焉入蜀劉璋時爲中郎將將兵拒先主於涪請降先主定益州以壹爲護軍討逆將軍納壹妹爲夫人章武元年爲關中都督建興入年與魏延入南安

界破魏將費瑤徙徙亭侯進封高陽鄉侯遷左將軍十二年丞相亮卒以壹督漢中車騎將軍假節領雍州刺史進封濟陽侯十五年卒失其行事故不爲傳壹族弟瑛字元雅大將軍向進官屬吳匡之子也以豪俠稱官位常與壹相亞先主時爲領軍後主世稍遷至驃騎將軍假節封縣侯

安漢宰南奮擊舊鄉剪除蕪穢惟刑以張廣遷蠻濮國用甲強

贊李德昂
輔漢惟聰既機且惠因言遠思切問近對贊時休美和我業世

贊張君嗣

鎮北敏思籌畫有方導師獲穢遂事成章偏任集勳承

命不祥哀悲本志放流殊疆

贊黃公衡

越騎惟忠厲志自祗職于內外念公忘私

贊楊季休

征南厚重征西忠克統時選士猛將之烈

贊趙子龍陳叔至

叔至名到汝南人也自豫州隨先主名趙雲俱以忠勇

稱建興初官至永安都督

鎮南粗強

輔元弼名臣襄陽人也隨先主入蜀益州既定為巴郡太守建興中徙鎮南為右將軍封

中鄉侯

監軍尚篤

劉南和名邕義陽人也隨先主入蜀益州既定為江陽太守建興中稍遷至監軍後將軍

賜爵關內侯卒子式嗣少子武有文與樊建齊名官亦至尚書

並豫戎任任自封裔

贊輔元弼劉南和

司農性才敷述允章藻麗辭理斐斐有光

贊秦子敕

正方受遺豫聞後綱不陳不僉造此異端斥逐當時任業以喪

贊李正方

文長剛粗臨難受命折衝外御鎮保國境不協不和志節言乱疾終惜始實惟厥性

贊魏文長

威公狷狹取異眾人開則及理逼則傷侵舍腹入凶大易之云

贊楊威公

季常良實文經勤類士元言規處仁聞計文經士元嘗失其名實行

事郡縣處仁本名存南陽人也以荆州從事隨先王入蜀南攻至雒以為廣漢太守存素不服龐統統中失先

先王發言嘉歎存曰統雖盡忠可惜然違大雅之美先王怒曰統後身成仁更為非也免存官頃之病卒失其

行事故孔休文祥或才或臧孔休名觀為荆州守簿別不為傳孔休文祥或才或臧孔休名觀為荆州守簿別

縣文祥名禎襄陽人也隨先王入蜀歷維郡令南廣漢太守失其行事子忠官至尚書郎襄陽記曰習禎有

風流善談論名亞龐統而在馬良之右子忠亦有名忠子隆為步兵校尉掌校祕書

贊馬季常衛文經韓士元張處仁殷孔休曾文祥

國山休風國山名南廣漢郡人也好人流言議劉璋時

議曾從事隨先王在吳軍敗於秭歸永南耽思永南名

遇害子祐有父風官至尚書右選郎永南名

鄭人也先王定蜀後為州書佐部從事建興元年丞相

亮辟為西曹掾亮命征留邵為治中從事是歲卒華

陽國志曰邵兄邈字漢南劉璋時為牛鞞長先王領牧

為從事正旦命行西得進見讓先王曰振威以將軍宗

室肺腑委以計賊元功未效先寇而威邈以將軍之取

邈州甚為不宜也先王曰知其不宜何以不助之邈曰

匪不敢也力不足耳有司將殺之諸葛亮為請得免父

之為健為太守丞相參軍安漢將軍建興六年亮西征

之盛衡承伯言藏言時盛衡名勳承伯名齊皆巴西西蜀

先王定蜀辟為左將軍屬後轉州別駕從事卒齊為大

守張飛功曹飛貢之先王為尚書郎建興中從事丞相

掾遷廣漢太守復為飛參軍亮卒為尚書勳齊皆以才

幹自顯見歸信於州黨不如姚仙仙字子緒亦閬中人

先王定益州後為功曹書佐建興元年為廣漢太守丞

相亮北駐漢中辟為掾並進又武之士亮稱曰忠盜者

莫大於進人進人者各務其所尚今姚掾並存剛柔以

廣文武之用可謂博雅矣願諸掾各希此舉以屬其望

遷為參軍亮卒稍遷為向書僕射時人服孫德果銳孫

其真誠篤粹延熙五年在作贊之後

名福梓潼涪人也先王之益州後為書佐西充國長威

都令建興元年徙巴西守為江州督楊威將軍入為

尚書僕射封平陽亭侯延熙初大將軍蔣琬出征漢中

武功病篤後王遣福省侍益部者舊雜記曰諸葛亮於

宣聖旨聽亮所言至別去數日忽馳思未盡其意遂却

騎馳還見亮亮語福曰孤知君還意近日言語雖難且

有所不盡更來亦央耳君所問者公獲其宜也福謝前

實失不詔請公如公百年後誰可任大事者故輒還耳

乞復請蔣琬之後誰可任者亮曰文偉可以繼之又復

問其次亮不答福還奉使稱旨福為人精識果銳敏偉

於從政子驥字叔龍亦有名官至尚書郎廣漢太守

南篤常別駕從事隨先王東征吳章武二年卒於永安

益部者舊雜記曰朝又有一弟早亡各有才望時人號

之李氏三龍華陽國志曰羣下上先王為漢中王其

文朝所造也臣松之系者舊所記以朝邵德緒義

及早亡者為三龍魏之狂直不得在此數

志壯氣剛德緒名祿巴西漢人也先王定益州為郡

相亮南征為蠻夷所害建興三年為越雋太守隨丞

軍義強名士廣漢郡人國山從兄也從先王入蜀後舉

孝廉為符節長遷牙門將出為宕渠太守徙在犍為

會丞相亮南征轉為益州太守將南行為蠻夷所害

濟修志蜀之芬香

贊王國山李永南馬盛衡馬承伯李孫德李偉南

蜀書卷之五

龔德緒王義彊

休元輕寇損時致害休元名習南郡人隨先主入蜀先

於獠文進奮身同此顛沛文進名南亦自荆州隨先主

俱死時又有義陽傅彤先主退軍斷後拒戰其人死盡

吳將語彤令降彤罵曰吳狗何有漢將軍降者遂戰死

命論者嘉其父子尖世忠義蜀記載晉武帝詔曰蜀

將軍傳命前在關城身拒官軍致死不顧命父彤復為

劉備戰亡天下之善一也豈由彼此以為異命息著募

後沒入奚官患生一人至於弘大

免為庶人贊馮休元張文進

贊程季然

季然名畿巴西閬中人也劉璋時為漢

關中巴西太守龐羲以天下擾亂郡有武衛頗

招合部曲有議於璋說羲欲叛者璋陰疑之羲聞

甚懼將謀自守遣畿子郁宣告索兵自助畿報曰

郡合部曲本不為叛雖有交構要在盡誠若必以

懼遂懷異志非畿之所聞并救郁曰我受州恩當

為州牧盡節汝為郡吏當為太守效力不得以吾

故有異志也羲使人告畿曰爾子在郡不從太守

家將及禍畿曰昔樂羊為將飲子之羹非父子無

恩大義然也今雖復羹子吾必飲之羲知畿必不

為已厚陳謝於璋以致無咎璋聞之遷畿江陽太

守先主領益州牧辟為從事祭酒後隨先主征吳

遇大軍敗績泝江而還或告之曰後追已至解船

輕去乃可以免畿曰吾在軍未曾為敵走况從天

公弘後生卓爾奇精天命二十悼恨未呈

贊程公弘

弘名祁季然之子也

古之奔臣禮有來徧怨與司官不顧大德靡有匡救倍

成奔比自絕于人作笑二國

麋芳士仁郝普潘濬

麋芳字子方東海人也為南郡太守士仁字君義廣陽人也為將軍任公安統屬關羽與羽有隙叛迎孫權

也為將軍任公安統屬關羽與羽有隙叛迎孫權

郝普字子大義陽人先王自荆州入蜀以普為零陵太守為吳將呂蒙所譎開城詣蒙普濬字承明

武陵人也先王入蜀以為荆州治中典留州事亦與關羽不穆孫權襲羽遂入吳普至是尉濬至太常封侯

益部耆舊雜記載王嗣常播衛繼二人皆劉氏王蜀時

人故錄于篇

王嗣字承宗健為資中人也其先延熙世以功德顯著

舉孝廉稍遷西安園督汶山太守加安遠將軍綏集羌

胡咸悉歸服諸種素桀惡者皆來首降嗣待以恩信時

比境得以寧靜大將軍姜維每出北征羌胡出馬牛羊

氈毼及義穀裨軍糧國賴其資遷鎮軍故領郡後從維

北征為流矢所傷數月卒戎夷會葬贈送數千人號呼

涕泣嗣為人羨厚篤至衆所愛信嗣子及孫羌胡見之

如骨肉或結兄弟恩至於此

常播字文平蜀郡江原人也播仕縣主簿功曹縣長廣

都朱游建興十五年中被上官誣劾以逋沒官穀當論

重罪播詣獄訟爭身受數千杖肌膚刻爛毒痛慘至更

歷三獄幽閉二年有餘每將考掠吏先驗問播不荅言
但急行罰無所多問辭終不撓事遂分明長免刑戮時
唯主簿楊玩亦證明其事與播辭同衆咸嘉播忘身為
君節義抗烈舉孝廉除鄴長年五十餘卒書於舊德傳
後縣令潁川趙敦圖其像贊頌之

衛繼字子業漢嘉嚴道人也是第五人繼父爲縣功曹
繼爲兒時與兄弟隨父游戲庭寺中縣長蜀郡成都張
君無子數命功曹呼其子省弄甚憐愛之張因言宴之
間語功曹欲乞繼功曹卽許之遂養爲子繼敏達夙成
學識通博進仕州郡歷職清顯而其餘兄弟四人各無

堪當世者父恒言已之將衰張明府將盛也時法禁以
異姓爲後故復爲衛氏屢遷拜奉車都尉大尚書忠篤
信厚爲衆所敬鍾會之亂遇害成都

評曰鄧芝堅貞簡亮臨官忘家張翼亢姜繼之銳宗預
禦孫權之嚴咸有可稱楊戲商略意在不羣然智度有
短殆罹世難云

蜀志卷十五終

蜀志卷十五

傳

九

